

禪宗正脉目錄

第七卷

原青

曹洞宗

四世洞山价

五世曹山寂

雲居膺

疎山仁

青林虔

高安仁

白馬儒

龍牙道

華嚴靜

九峯滿

北院通

洞山全

京兆規

幽棲幽

越州乾峰

吉州和山

天童啓

欽山邃

六世洞山延

金峰志

鹿門真

曹山霞

曹山慧

曹山炬

育王通

同安丕

歸宗惲

嵇山章

雲居嶽

佛日空

永光真

朱谿謙

雲居簡

新羅雲住

護國澄

靈泉仁

踈山證

百丈安

黃檗慧

伏龍璘

京兆三相

廣德延

石門蘊

龍光諲

石藏炬

重雲暉

瑞龍璋

報恩嶼

含珠哲

紫陵一

同安威

會元十五卷終

^七世上藍慶

天池隆

益州真

佛手因

龜洋忠

同安志

智門欽

薦福思

大陽堅

五峯紹

廣德義

廣德周

石門徹

紫陵微

興元浪

^八普寧顯

梁山觀

普淨覺

雲頂敷

石門遠

北禪感

石門筠

^九大陽玄

藥山昱

羅紋珍

道吾詮

南禪聰

^十投子青

興陽剖

福嚴承

羅浮如

白馬喜

雲門運

梁山冀

^{十一}芙蓉楷

大洪恩

洞山雲

福應文

^{十二}丹霞溥

枯木成

寶峰照

石門易

天寧誦

天寧璉

梅山已

普賢秀

鹿門燈

資聖南

洞山微

高世則

大洪遂

^{十三}長蘆了

天童覺

大洪預

尼慧光

圓通止

智通深 華藥朋 尼佛通 世雪竇宗

善權智 自得暉 石窓恭 光孝徹

大洪為 長蘆琳 慧力悟 雪峰深

慧日安 吉祥實 世雪竇鑑

會元十四卷終

第八卷

雲門宗 世雲門偃 世白雲祥 德山密

巴陵鑒 雙泉寬 香林遠 洞山初

泐潭謙 奉先深 披雲寂 舜峰韶

般若柔 薦福古 雙峰欽 資福詮

黃雲元 龍境倫 大容謹 華嚴慧

黃檗濟 谷山豐 洞山稟 北禪寂

淨源真 大梵圓 藥山光 奉國海

雲門球 佛陀遠 慈雲深 化城鑒

護國和尚 西禪欽 覺華照 延長山

黃龍贊 雲門朗 纂子山 世韶州大歷

寶華和尚 月華月 樂淨庄 後白雲

文殊真 南臺勤 德山晏 乾明普

中梁崇 黃龍急 普安道 泐潭散聖

五祖戒 福昌善 建福同 智門祚

福嚴雅

獨福賢

了山盛

蓮華祥

德山遠

開先照

金陵天寶

法雲善

藍田真

雪峰欽

西峰谿

九洞山聰

石霜誠

泐潭澄

雲盖顯

上方嶺

育王坦

金山新

雪竇顯

雲盖鵬

彰法泗

北禪賢

芳上座

開先暹

資聖勤

鹿苑圭

世雲居舜

佛日嵩

許太守

育王璉

承天簡

九峰韶

西塔殊

雲居億

滔首座

玉泉皓

雲居祥

國慶宗

天聖道

會元十五卷

天衣懷

承天宗

南明慎

君山昇

洞庭金

曾脩撰

圓通訥

法昌遇

廣因要

雲居元

智海逸

天章楚

世蔣山泉

慈雲慧

歸宗通

天宮微

福昌信

慧林本

法雲秀

慧林冲

長蘆夫

佛日才

天鉢元

棲賢遷

淨衆言

三祖會

澄照慈

崇德澄

文慧雲

報本存

開聖棲

衡山禮

雲門侃

太平坦

佛足祥

明因贊

楊傑侍郎 慧日堯 中際遵 百丈悟

善權泰 宗福基 大中隆 劉僉判

^{世二十}趙清獻公 法雲本 金山寧 資壽巖

本覺一 投子顯 地藏恩 靈曜良

香山泳 靈泉一 石佛通 法雲白

僊巖純 慈濟聰 白兆圭 福嚴初

德山繪 香積旻 瑞相來 真空一

華嚴明 永泰航 壽聖邦 長蘆曠

夾山齡 元豐滿 善勝悟 招提湛

^{世三}淨慈明 雪峰慧 資福明 雲峰璿

延慶復 道場顏 天竺諫 普濟淳

尼法海 富弼丞相 尼文照 萬年幽

慈受深 萬壽瓊 天衣哲 智者銓

報恩然 雪峰演 王大夫 觀音和尚

^{世四十}淨慈象 靈隱淳 淨慈昌 徑山一

金山心 香巖壁 國清印 萬杉堅

^{世五十}中元妙 玉泉達 ^{世六十}光孝深

會元十六卷終

禪宗正脉目錄七之八卷終

禪宗正脉卷第七

青原

曹洞宗

嗣雲
巖晟

洞山良价禪師。幼歲從師。念般若心經。至無眼耳鼻舌身意處。忽以手捫面。問師曰。某甲有眼耳鼻舌等。何故經言無。其師駭然異之。曰。吾非汝師。即指往五洩山禮默禪師。披剃。年二十二。詣嵩山具戒。頌首謁南泉。值馬祖諱辰。修齋。泉問衆曰。來日設馬祖齋。未審馬祖還來否。衆皆無對。師出對曰。待有伴即來。泉曰。此子雖後生。甚堪雕琢。師曰。和尚莫壓良為賤。頌次參為山

參為

山
無情
說法
話

問曰。頃聞南陽忠國師。有無情說法話。某甲未究其微。為曰。闍黎莫記得麼。師曰。記得。為曰。汝試舉一徧看。師遂舉。僧問。如何。是古佛心。國師曰。牆壁瓦礫。是。僧曰。牆壁瓦礫。豈不是無情。國師曰。是。僧曰。還解說法否。國師曰。常說熾然說。無間歇。僧曰。某甲為甚麼不聞。國師曰。汝自不聞。不可妨他聞者也。僧曰。未審甚麼人得聞。國師曰。諸聖得聞。僧曰。和尚還聞否。國師曰。我不聞。僧曰。和尚既不聞。爭知無情解說法。國師曰。賴我不聞我。若聞。即齊於諸聖。汝即不聞我。說法也。僧曰。恁麼則眾生無分去也。國師曰。我為眾生說。不為諸聖說。僧曰。眾生聞後如何。國師曰。即非眾生。僧曰。無情說法。據何典教。國師曰。灼然言不該典。非君子之所談。汝豈不見華嚴經云。刹說眾生說。三世一切說。師舉了。為曰。我這裡亦有。祇是罕遇其人。師曰。某甲未明。乞師指示。為豎起拂子曰。會麼。師曰。不會。請和尚說。為曰。父母所生口。終不為子說。師曰。還有與師同時慕道者否。為曰。此去豐陵攸縣石室相連。有雲巖道人。若能撥草瞻風。必為子之所重。師

造雲巖

曰未審此人如何。為曰他曾問老僧學人欲奉師去時如何。老僧對他道。直須絕滌漏始得。他道還得不違師旨也。無。老僧道第一不得道。老僧在這裏。師遂辭為山徑造雲巖。舉前因緣了。便問無情說法甚麼人得聞。巖曰無情得聞。師曰和尚聞否。巖曰我若聞。汝即不聞。吾說法也。師曰某甲為甚麼不聞。巖豎起拂子曰。還聞麼。師曰不聞。巖曰我說法。汝尚不聞。豈况無情說法乎。師曰無情說法該何典教。巖曰豈不見弥陀經云。水鳥樹林悉皆念佛念法。師於此有省。

樹林

乃述偈曰。也大奇也大奇。無情說法不思議。若

將耳聽終難會。眼處聞時方得知。○師問雲巖

某甲有餘習未盡。巖曰汝曾作甚麼來。師曰聖

諦亦不為。巖曰還歡喜也未。師曰歡喜則不無

如糞掃堆頭。拾得一顆明珠。○師辭雲巖。巖曰

自此一別。難得相見。師曰難得不相見。○師臨

行又問。百年後。忽有人問。還邈得師真否。如何

祇對。巖良久曰。祇者是。師沉吟。巖曰。价闍黎承

當個事。大須審細。師猶涉疑。○師因過水睹影。

過水睹影

大悟前旨。有偈曰。切忌從他覓。迢迢與我踈。我

權開
五位

今獨自往。處處得逢渠。渠今正是我。我今不是渠。應須恁麼會。方得契如如。**頌**師因供養雲巖真次。僧問先師道。祇這是莫便是否。師曰。是。曰。意旨如何。師曰。當時幾錯會先師意。曰。未審先師還知有也無。師曰。若不知有。爭解恁麼道。若知有。爭肯恁麼道。○師自唐大中末。於新豐山。接誘學徒。厥後盛化。豫章高安之洞山。權開五位。善接三根。大闡一音。廣弘萬品。橫抽寶劍。剪諸見之稠林。妙叶玄通。截萬端之穿鑿。又得曹山深明的旨。妙唱嘉猷。道合君臣。偏正回互。由

雲巖

諱日

是洞上玄風。播於天下。故諸方宗匠。咸共推尊之。曰。曹洞宗。○師因雲巖諱日。營齋。僧問。和尚於雲巖處。得何指示。師曰。雖在彼中。不蒙指示。曰。既不蒙指示。又用設齋。作甚麼。師曰。爭敢違背它。曰。和尚初見南泉。為甚麼却與雲巖設齋。師曰。我不重先師道德佛法。祇重他。不為我說破。曰。和尚為先師設齋。還肯先師也。無。師曰。半肯半不肯。曰。為甚麼不全肯。師曰。若全肯。即孤負先師也。**評頌**僧問。寒暑到來。如何回避。師曰。何不向無寒暑處去。曰。如何是無寒暑處。師曰。

僧不安

寒時寒殺闍黎熱時熱殺闍黎○上堂還有不報四恩三有者麼衆無對又曰若不體此意何超始終之患直須心心不觸物步步無處所常無間斷始得相應直須努力莫閑過日●領師與泰首座冬節喫果子次乃問有一物上柱天下柱地黑似漆常在動用中動用中收不得且道過在甚麼處泰曰過在動用中同安別師喚侍者掇退果卓●有僧不安要見師師遂往僧曰和尚何不救取人家男女師曰你是甚麼人家男女曰某甲是大闍提人家男女師良久僧曰

坐脫

四山相逼時如何師曰老僧日前也向人家屋簷下過來曰回互不回互師曰不回互曰教某甲向甚麼處去師曰粟畝裡去僧噓一聲曰珍重便坐脫師拄杖敲頭三下曰汝祇解與麼去不解與麼來○僧問相逢不拈出舉意便知有時如何師乃合掌頂戴○問僧作甚麼來曰孝順和尚來師曰世間甚麼物最孝順僧無對○上堂有一人在千人萬人中不肯一人不向一人你道此人具何面目雲居出曰某甲參堂去○師有時曰體得佛向上事方有些子語話分僧

道行鳥

頌君臣五位

問如何是語話。師曰。語話時。閣黎不聞。曰。和尚還聞否。師曰。不語話時。即聞。○問。和尚出世。幾人肯。師曰。並無一人肯。曰。為甚麼並無一人肯。師曰。為他個個氣宇如王。○師問。講維摩經。僧曰。不可以智知。不可以識識。喚作甚麼語。曰。讚法身語。師曰。喚作法身。早是讚也。○頌僧問。亡僧遷化。向甚麼處去。師曰。火後一莖茆。○頌問。師尋常教學。人行鳥道。師曰。不逢一人。曰。如何行。師曰。直湏足下無私去。曰。祇如行鳥道。莫便是本來面目否。師曰。閣黎因甚顛倒。曰。甚麼處是學人顛倒。師曰。若不顛倒。因甚麼却認奴作郎。曰。如何是本來面目。師曰。不行鳥道。○師與密師伯過水。乃問過水事。作麼生。伯曰。不濕脚。師曰。老老大大。作這個語話。伯曰。你又作麼生。師曰。脚不濕。○師洗鉢次。見兩鳥爭蝦蟇。有僧便問。這個因甚麼到恁麼地。師曰。祇為閣黎。○頌僧問。三身之中。阿那身不墮。眾數。師曰。吾常於此切。後有持此問曹山。先師道。吾常於此切。意作麼生。山云。要頭便斫去。又問。雪峰峰以拄杖劈口。打云。我亦曾到洞山來。師作五位君臣頌曰。正中偏。三更初夜月。明前莫恠相逢。不相識。隱隱猶懷舊日

媿偏中正失曉老婆逢古鏡分明覲面別無真
休更迷頭猶認影正中來無中有路隔塵埃但
能不觸當今諱也勝前朝斷舌才兼中至兩刃
交鋒不須避好手猶如火裏蓮宛然自有冲天
志兼中到不落有無誰敢和人人盡欲出常流
折合還歸炭裏坐○上堂向時作麼生。奉時作
麼生。功時作
麼生。共功時作麼生。功功時作麼生。僧問如何
是向。師曰。喫飯時作麼生。曰。如何是奉。師曰。背
時作麼生。曰。如何是功。師曰。放下鏝頭時作麼
生。曰。如何是共功。師曰。不得色。曰。如何是功功。
師曰。不共。乃示頌曰。向聖主由來法帝堯。御人

功勳

五位

弁頌

以禮曲龍腰。有時鬧市頭邊過。到處文明賀聖
朝。奉淨洗濃粧為阿誰。子規聲裡勸人歸。百花
落盡啼無盡。更向亂峰深處啼。功枯木花開劫
外春。倒騎玉象趁麒麟。而今高隱千峰外。月皎
風清好日辰。共功衆生諸佛不相侵。山自高兮
水自深。萬別千差明底事。鷓鴣啼處百花新。功
功頭角絕。生已不堪擬。心求佛好羞。慚迢迢空
劫無人識。肯向南詢五十三。○師因曹山辭。遂
囑曰。吾在靈巖先師處。親印寶鏡三昧事。窮的

寶鏡
三昧

要。今付於汝。詞曰如是之法。佛祖密付。汝今得之。宜善保護。銀盃盛雪。明月藏鷺。類之弗齊。混則知處。意不在言。來機亦赴。動成窠臼。差落顧佇。背觸俱非。如大火聚。但形文彩。即屬染污。夜半正明。天曉不露。為物作則。用拔諸苦。雖非有為。不是無語。如臨寶鏡。形影相覩。汝不是渠。渠正是汝。如世嬰兒。五相完具。不去不來。不起不住。婆婆和和。有句無句。終不得物。語未正故。重離六爻。偏正回互。疊而為二。變盡成五。如莖草味如金剛杵。正中妙挾。敲唱雙舉。通宗通塗。挾帶挾路。錯然則吉。不可犯汗。天真而妙。不屬迷悟。因緣時節。寂然昭著。細入無間。大絕方所。毫忽之差。不應律呂。今有頓漸。緣立宗趣。宗趣分矣。即是規矩。宗通趣極。真常流注。外寂中搖。係駒伏鼠。先聖悲之。為法檀度。隨其顛倒。以緇為素。顛倒想滅。肯心自許。要合古轍。請觀前古。佛道垂成。十劫觀樹。如虎之契。如馬之馮。以為下劣。寶几玳御。以有驚異。狸奴白牯。弄以巧力。射中百步。箭鋒相直。巧力何預。木人方歌。石女起舞。非情識到。寧容思慮。臣奉於君子。順於父。不

三種
滲漏

綱要
偈

驢前
馬後

順非孝。不奉非輔。潜行密用。如愚若魯。但能相
 續。名主中主。○師又曰。末法時代。人多乾慧。若
 要辨驗真偽。有三種滲漏。一曰見滲漏。機不離
 位。墮在毒海。二曰情滲漏。滯在向背。見處偏枯。
 三曰語滲漏。究妙失宗。機昧終始。濁智流轉於
 此。三種子宜知之。又綱要偈三首。一敲唱俱行
 偈曰。金針雙鎖備。叶路隱全該。寶印當風妙。重
 重錦縫開。二金鎖玄路偈曰。交互明中暗。功齊
 轉覺難。力窮忘進退。金鎖網鞞鞞。三不墮凡聖
 亦名理。偈曰。事理俱不涉。回照絕幽微。背風無
 巧拙。電火爍難追。○頌問僧世間何物最苦。曰地
 獄最苦。師曰不然。在此衣線下。不明大事。是名
 最苦。○問僧名甚麼。曰某甲。師曰阿那。個是闍
 黎主人公。曰見祇對次。師曰苦哉苦哉。今時人
 例皆如此。祇認得驢前馬後底。將為自己。佛法
 平沉。此之是也。賓中主尚未分。如何辨得主中
 主。僧便問。如何是主中主。師曰。闍黎自道取。曰。
 某甲道得。即是賓中主。雲居代云某甲道得不是賓中主如何
 是主中主。師曰。恁麼道。即易相續也。大難。遂示
 頌曰。嗟見今時學道流。千千萬萬認門頭。恰似

嗣洞
山价

入京朝聖主。祇到潼關便即休。

五位
君臣
旨訣

曹山本寂禪師。尋謁洞山。山問。闍黎名甚麼。師曰。本寂。山曰。那個。師曰。不名本寂。山深器之。自此入室。盤桓數載。乃辭去。山遂密授洞山宗旨。復問曰。子向甚麼處去。師曰。不變異處去。山曰。不變異處。豈有去邪。師曰。去亦不變異。遂往曹谿禮祖塔。回吉水。衆嚮師名。乃請開法。師志慕六祖。遂名山為曹。師因僧問五位君臣旨訣。師曰。正位即空界。本來無物。偏位即色界。有萬象形。正中偏者。背理就事。偏中正者。舍事入理。兼帶者。冥應衆緣。不墮諸有。非染非淨。非正非偏。故曰。虛玄大道。無著真宗。從上先德。推此一位。最妙最玄。當詳審辨明。若為正位。臣為偏位。臣向君是偏。中正。君視臣是正。中偏。君臣道合。是兼帶語。僧又問。如何是君。師曰。妙德尊寰宇。高明朗太虛。曰。如何是臣。師曰。靈機弘聖道。真智利羣生。曰。如何是君視臣。師曰。不墮諸異趣。疑情望聖容。曰。如何是君視臣。師曰。妙容雖不動。光燭本無偏。曰。如何是君臣道合。師曰。混然無內外。和融上下平。師又曰。以君臣偏正。

五位
君臣
圖

三種
墮

言者不欲犯中。故臣稱君不敢斥言是也。此吾法宗要。乃作偈曰。學者先須識自宗。莫將真際雜頑空。妙明體盡知傷觸。力在逢緣不借中。出語直教燒不著。潛行須與古人同。無身有事超岐路。無事無身落始終。復作五相并偈。○白水須拜相。此事不為奇。積代簪纓者。休言落魄時。○子時當正位。明正在君臣。未離梵率界。烏雞雪上行。○燄裏寒氷結。楊花九月飛。泥牛吼水面。木馬逐風嘶。○王宮初降日。玉兔不能離。未得無功旨。人天何太遲。○渾然藏理事。朕兆卒難明。威音王未曉。弥勒豈惺惺。○稠布衲問披毛帶角。是甚麼墮。師曰。是類墮。曰。不斷聲色。是甚麼墮。師曰。是隨墮。曰。不受食。是甚麼墮。師曰。是尊貴墮。乃曰。食者即是本分事。知有不取。故曰尊貴墮。若執初心。知有自己及聖位。故曰類墮。若初心。知有已事回光之時。擯却色聲香味觸法。得寧謐。即成功勳。後却不執六塵等事。隨分而昧任之。則礙。所以外道六師。是汝之師。彼師所墮。汝亦隨墮。乃可取食。食者即是正命食也。亦是就六根門頭。見聞覺知。祇是不被他染。

四禁語

五位對賓

汗。將為墮。且不是同向前均他。本分事尚不取。豈况其餘事耶。師凡言墮謂混不得。類不齊。凡言初心者。所謂悟了同未悟耳。師作四禁偈曰。莫行心處路。不挂本來衣。何須正恁麼。切忌未生時。**頌**僧問學人通身是病。請師醫。師曰不醫。曰為甚麼不醫。師曰教汝求生不得。求死不得。**頌**問五位對賓時如何。師曰汝即今問那個位。曰某甲從偏位中來。請師向正位中接。師曰不接。曰為甚麼不接。師曰恐落偏位中去。師却問僧。祇如不接是對賓是不對賓。曰早是對賓了也。師曰如是如是。○問三界擾擾。六趣昏昏。如何辨色。師曰不辨色。曰為甚麼不辨色。師曰若辨色即昏也。**頌**師問鐘聲。乃曰阿哪阿哪。僧問和尚作甚麼。師曰打著我心。僧無對。五祖戒代云作賊人

辨色

頌師聞金峰志。曰作甚麼來。曰蓋屋來。師曰了也未。曰這邊則了。師曰那邊事作麼。生曰候下工日白和尚。師曰如是如是。○師一日入僧堂向火。有僧曰今日好寒。師曰須知有不寒者。曰誰是不寒者。師筈火示之。僧曰莫道無人好。師拋下火。僧曰某甲到這裏却不會。師曰日照

幻本
元真

寒潭月更明。○問幻本何真。師曰。幻本元真。法

別云幻本不真曰。當幻何顯。師曰。即幻即顯。法眼別云幻即無當

曰。恁麼則始終不離於幻也。師曰。覓幻相不可

得。○頌。僧問。清稅一作銳孤貧乞。師賑濟。師召稅闍

黎。稅應諾。師曰。清原白家酒。三盞喫了。猶道未

沾唇。玄覺云甚麼處是與它酒吃。○頌。鏡清問。清虛之理。畢竟

無身時如何。師曰。理即如此。事作麼生。曰。如理

如事。師曰。謾曹山一人。即得爭。奈諸聖眼何。曰。

若無諸聖眼。爭鑒得個不恁麼。師曰。官不容針。

私通車馬。○頌。僧問。子歸就父。為甚麼。父全不顧。

師曰。理合如是。曰。父子之恩。何在。師曰。始成父

子之恩。曰。如何是父子之恩。師曰。刀斫不開。○頌。

問。雪覆千山。為甚麼。孤峰不白。師曰。須知有異

中異。曰。如何是異中異。師曰。不墮諸山色。○頌。問。

世間甚麼物最貴。師曰。死貓兒頭最貴。曰。為甚

麼。死貓兒頭最貴。師曰。無人著價。○頌。問。僧作甚

麼。曰。掃地。師曰。佛前掃。佛後掃。曰。前後一時掃。

師曰。與曹山過。鞞鞋來。○頌。僧問。抱璞投師。請師

雕琢。師曰。不雕琢。曰。為甚麼。不雕琢。師曰。須知

曹山好手。○頌。紙衣道者來。師問。莫是紙衣道

紙衣
下事

井
馬
戲

玉殿
苔生

者否者曰不敢師曰如何是紙衣下事者曰一
裘纒掛體萬法悉皆如師曰如何是紙衣下用
者近前應諾便立脫師曰汝祇解恁麼去何不
解恁麼來者忽開眼問曰一靈真性不假胞胎
時如何師曰未是妙者曰如何是妙師曰不借
借者珍重便化師示頌曰覺性圓明無相身莫
將知見妄疎親念異便於玄體昧心差不與道
為隣情分萬法沉前境識鑿多端喪本真如是
句中全曉會了然無事昔時人**頌**師問強上座
曰佛真法身猶若虛空應物現形如水中月作
麼生說個應底道理曰如驢覷井師曰道則太
煞道祇道得八成曰和尚又如何師曰如井覷
驢頌陸亘大夫問南泉姓甚麼泉曰姓王曰王
還有眷屬也無泉曰四臣不昧曰王居何位泉
曰玉殿苔生後僧舉問師玉殿苔生意旨如何
師曰不居正位曰八方來朝時如何師曰他不
受禮曰何用來朝師曰違則斬曰違是臣分上
未審君意如何師曰樞密不得旨曰恁麼則燮
理之功全歸臣相也師曰你還知君意麼曰外
方不敢論量師曰如是如是**頌**僧問香巖如何

又禪宗正統

卷之三

僧問

枯木
龍吟

是道嚴曰。枯木裏龍吟曰。如何是道中人。嚴曰。
觸髅裏眼睛。玄沙別云。龍藏枯木。僧不領。乃問石霜。如何
是枯木裏龍吟。霜曰。猶帶喜在。曰。如何是觸髅
裏眼睛。霜曰。猶帶識在。又不領。乃問師。如何是
枯木裏龍吟。師曰。血脉不斷。曰。如何是觸髅裏
眼睛。師曰。乾不盡。曰。未審還有得聞者麼。師曰。
盡大地未有一人不聞。曰。未審枯木裏龍吟。是
何章句。師曰。不知是何章句。聞者皆喪。遂示偈
曰。枯木龍吟真見道。觸髅無識眼初明。喜識盡
時消息盡。當人那辨濁中清。頌問朗月當空時

嗣洞
山价

如何。師曰。猶是堦下漢。曰。請師接上堦。師曰。月
落後來相見。頌問靈衣不挂時如何。師曰。曹山
孝滿曰。孝滿後如何。師曰。曹山好顛酒。
雲居道膺禪師。遊方至翠微。問道會有僧自豫
章來。盛稱洞山法席。師遂造焉。山問甚處來。師
曰。翠微來。山曰。翠微有何言句。示徒。師曰。翠微
供養羅漢。某甲問。供養羅漢。羅漢還來否。微曰。
你每日。嚏個甚麼。山曰。實有此語否。師曰。有。山
曰。不虛。叅見作家來。山問。汝名甚麼。師曰。道膺。
山曰。向上更道。師曰。向上即不名。道膺。山曰。與

彌勒
下生

天神
送食

老僧祇對道吾底語一般。頌南泉問僧講甚麼經。曰彌勒下生經。泉曰彌勒幾時下生。曰見在天宮。當來下生。泉曰天上無彌勒。地下無彌勒。師問洞山。天上無彌勒。地下無彌勒。未審誰與安名。山被問。直得禪牀震動。乃曰。膺闍黎吾在雲巖曾問老人。直得火爐震動。今日被子一問。直得通身汗流。○師後結庵于三峰。經旬不赴堂。山問。子近日何不赴齋。師曰。每日自有天神送食。山曰。我將謂汝是個人。猶作這個見解。在汝晚間來。師晚至。山召膺庵主。師應諾。山曰。不

無中
忽有

頌心
性

思善不思惡。是甚麼。師曰。庵寂然宴坐。天神自此竟尋不見。如是三日。乃絕。○上堂。得者不輕微。明者不賤用。識者不咨嗟。解者無厭惡。從天降下。則貧窮。從地湧出。則富貴。門裡出身。易身裡出門。難動。則埋身千丈。不動。則當處生苗。一言過脫。獨拔當時。言語不要多。多則無用處。僧問。如何是從天降下。則貧窮。師曰。不貴得。曰。如何是從地湧出。則富貴。師曰。無中忽有。○僧問。如何是一法。師曰。如何是萬法。曰。未審如何領會。師曰。一法是你本心。萬法是你本性。且道。心

孃生袴

與性。是一。是二。僧禮拜。師示。頌曰。一法諸法宗。萬法一法通。唯心與唯性。不說異兼同。○師曾令侍者送袴與一住庵道者。道者曰。自有孃生袴。竟不受。師再令侍者問孃。未生時著個甚麼。道者無語。後遷化。有舍利。持似於師。師曰。直饒得八斛四斗。不如當時下得一轉語好。○僧問山河大地。從何而有。師曰。從妄想有。曰。與其甲想。出一錠金得麼。師便休去。僧不肖。

能折合得待伊道想出。一錠金得麼。拈拄杖便打。

●頌上堂。如人將三貫。

羚羊

錢買個獵狗。祇解尋得有蹤跡。底忽遇羚羊挂角。莫道蹤跡氣息也無。僧問羚羊挂角時如何。

師曰。六六三十六。曰。挂角後如何。師曰。六六三十六。僧禮拜。師曰。會麼。曰。不會。師曰。不見道無蹤跡。其僧舉似趙州。州曰。雲居師兄猶在。僧便問。羚羊挂角時如何。州曰。九九八十一。曰。得恁麼難會。州曰。有甚麼難會。曰。請和尚指示。州曰。新羅新羅。又問長慶。羚羊挂角時如何。慶曰。草裡漢。曰。挂後如何。慶曰。亂叫喚。曰。畢竟如何。慶曰。驢事未去。馬事到來。○僧問。教中道。是人先世罪業。應墮惡道。以今世人輕賤故。此意如何。

師曰。動則應墮惡道。靜則為人輕賤。崇壽稠別云。心外有

法。應墮惡道。守住自己。為人輕賤。須有僧在房內念經。師隔窓

問。闍黎念者是甚麼經。僧曰。維摩經。師曰。不問

維摩經。念者是甚麼經。其僧從此得入。須新羅

僧問。是甚麼得恁麼難道。師曰。有甚麼難道。曰。

便請和尚道。師曰。新羅新羅。○上堂。僧家發言

吐氣。須有來由。莫將等閒這裡。是甚麼所在。爭

受容易。凡問個事也。須識些子好惡。若不識尊

卑良賤。不知觸犯。信口亂道也。無利益。傍家行

脚。到處覓相似語。所以尋常向兄弟道。莫恠不

相似。恐同學太多去。第一莫將來。將來不相似。

言語也。須看前頭。八十老人入場屋。不是小兒

嬉。不是因循事。一言參差。即千里萬里難為取

攝。蓋為學處不著力。敲骨打髓。須有來由。言語

如鉗如夾。如鈎如鎖。須教相續不斷。始得頭頭

上具。物物上明。豈不是得妙底事。一種學。大須

子細研窮。直須諦當的的無差。到這裡有甚麼

蹉跎處。有甚麼擬議處。向去底人。常須慄悚。戢

翼始得。若是知有底人。自解護惜。終不取次。十

度發言。九度休去。為甚麼如此。恐怕無利益。體

度發言。九度休去。為甚麼如此。恐怕無利益。體

發言吐氣

信口亂道無利益

子細研窮

學佛
邊事

得底人。心如臘月扇子。直得口邊醜出。不是強
為任運如此。欲得恁麼事。須是恁麼人。既是恁
麼人。不愁恁麼事。即難得。○上堂。汝等
諸人。直饒學得佛邊事。早是錯用心。不見古人
講得天花落。石點頭。亦不干自己事。自餘是恁
麼閑。●擬將有限身心。向無限中用。如將方木
逗圓孔。多少誦訛。若無恁麼事。饒你攢花簇錦。
亦無用處。未離情識在。一切事。須向這裡及盡。
若有一毫去不盡。即被塵累。豈况更多。差之毫
釐。過犯山嶽。不見古人道學處。不玄盡。是流俗。

居山
好

閨閣中物。捨不得。俱為滲漏。直須向這裡及取
及去。及來。併盡一切事。始得無過。如人頭頭上
了。物物上通。祇喚作了事人。終不喚作尊貴。將
知尊貴一路。自別。不見道從門入者。非寶。捧上
不成龍。知麼。僧問僧家畢竟如何。師曰。居山
好。僧禮拜。師曰。你作麼生會。曰。僧家畢竟於善
惡生死。逆順境界。其心如山不動。師乃打曰。孤
負先聖喪我兒孫。又問傍僧。你作麼生會。僧禮
拜曰。僧家畢竟眼不觀玄黃之色。耳不聽絲竹
之聲。師曰。孤負先聖喪我兒孫。黃龍南云。作麼
生道得一句。不

孤負先聖喪我兒孫若人道得到處青山無非道場若道不得有寒暑苦促君壽有鬼神兮妬

福君 **增收**

嗣洞山价

疎山匡仁禪師造洞山師問一切處不乖時如何山曰闍黎此是功勳邊事幸有無功之功子何不問師曰無功之功豈不是那邊人山曰大有人笑子恁麼問師曰恁麼則迢然去也山曰迢然非迢然非不迢然師曰如何是迢然山曰喚作那邊人即不得師曰如何是非迢然山曰無辨處○山問師空劫無人家是甚麼人住處師曰不識山曰人還有意旨也無師曰和尚何不問它山曰現問次師曰是何意旨山不對洎

潭州天為示眾

洞山順世弟子禮終乃到潭州大為值為示眾曰行脚高士直須向聲色裡睡眠聲色裡坐卧始得師出問如何是不落聲色句為豎起拂子師曰此是落聲色句為放下拂子歸方丈師不契便辭香嚴嚴曰何不且住師曰某甲與和尚無緣嚴曰有何因緣試舉看師遂舉前話嚴曰某甲有個語師曰道甚麼嚴曰言發非聲色前不物師曰元來此中有人遂囑香嚴曰向後有住處某甲却來相見乃去為問嚴曰問聲色話

福州
大為
示衆

賈希
單事

底矮聞黎在麼。嚴曰：已去也。為曰：曾舉向子麼。嚴曰：某甲亦曾對它來。為曰：試舉看。嚴舉前語。為曰：他道甚麼。嚴曰：深肯某甲。為失笑曰：我將謂這矮子有長處。元來祇在這裡。此子向去。若有個住處。近山無柴燒。近水無水喫。○師聞福州大為安和尚示衆曰：有句無句。如藤倚樹。師特入嶺到彼。值為泥壁。便問承聞和尚道有句無句。如藤倚樹。是否。為曰：是。師曰：忽遇樹倒藤枯。句歸何處。為放下泥槃。呵呵大笑歸。方丈師曰：某甲三千里賣却布單。特為此事而來。和尚何得相弄。為喚侍者取二百錢與。這上座去。遂囑曰：向後有獨眼龍。為子點破在。為山次日上堂。師出問：法身之理。理絕玄微。不奪是非之境。猶是法身邊事。如何是法身。向上事。為舉起拂子。師曰：此猶是法身邊事。為曰：如何是法身。向上事。師奪拂子。摺折擲向地上。便歸衆。為曰：龍蛇易辨。釋子難瞞。○師後聞婺州明招謙和尚出世。謹眇一自徑往禮拜。招問甚處來。師曰：閩中來。招曰：曾到大為否。師曰：到。招曰：有何言句。師舉前話。招曰：為山可謂頭正尾正。祇是不遇知音。

婺州
明招
出世

笑裡
有刀

師亦不省。復問忽遇樹倒藤枯。句歸何處。招曰。却使為山笑轉新。師於言下太悟。乃曰。為山元來笑裡有刀。遙空禮拜。悔過。○招一日問。虎生七子。那個無尾巴。師曰。第七個無尾巴。頌古見明招謙章○師到夾山。山上堂。師問承師有言。目前無法。意在目前。如何是非。目前法。山曰。夜月流輝。澄潭無影。師作掀禪牀勢。山曰。闍黎作麼生。師曰。目前無法。了不可得。山曰。大眾看取這一員戰將。○師後遷疎山上堂。病僧咸通年前會得法身邊事。咸通年後會得法身向上事。雲門出

法身
邊事

問。如何是法身邊事。師曰。枯椿。曰。如何是法身向上事。師曰。非枯椿。曰。還許某甲說道理也。無師曰。許曰。枯椿豈不是明法身邊事。師曰。是。曰。非枯椿豈不是明法身向上事。師曰。是。曰。祇如法身還該一切也。無師曰。法身周徧豈得不該。門指淨瓶。曰。祇如淨瓶還該法身麼。師曰。闍黎莫向淨瓶邊覓門。便禮拜。○師問鏡清肯諾不得全。子作麼生會。清曰。全歸肯諾。師曰。不得全。又作麼生清曰。個中無肯路。師曰。始慙病僧意。○有僧為師造壽塔畢。白師。師曰。將多少錢與

造壽
塔畢

匠人曰。一切在和尚。師曰。為將三錢與匠人。為將兩錢與匠人。為將一錢與匠人。若道得。與吾親造塔來。僧無語。後僧舉似大嶺庵閑和尚。即也。嶺曰。還有人道得麼。僧曰。未有人道得。嶺曰。汝歸與踈山道。若將三錢與匠人。和尚此生決定不得塔。若將兩錢與匠人。和尚與匠人共出一隻手。若將一錢與匠人。累他匠人眉鬚墮落。僧回。如教而說。師具威儀。望大嶺作禮。嘆曰。將謂無人。大嶺有古佛放光射到此間。雖然如是。也是臘月蓮花。大嶺後聞此語。曰。我恁麼道。早

嗣洞
山价

是龜毛長三尺。**頌**僧問如何是諸佛師。師曰。何不問踈山老漢。僧無對。**頌**師常握木蛇。有僧問手中是甚麼。師提起曰。曹家女。**頌**冬至上堂。僧問如何是冬來意。師曰。京師出大黃。

嗣洞
山价

青林師虔禪師。上堂。祖師門下。烏道玄微。功窮皆轉。不究難明。汝等諸人。直須離心意識。參出凡聖路學。方可保任。若不如是。非吾子息。高安白水仁禪師。因設先洞山忌齋。僧問供養先師。先師還來也。無。師曰。更下一分供養著。**頌**上堂。老僧尋常不欲向聲前色後。鼓弄人家男

嗣洞
山价

女何故。且聲不是聲。色不是色。僧問。如何是聲。不是聲。師曰。喚作色得麼。曰。如何是色。不是色。師曰。喚作聲得麼。僧作禮。師曰。且道為汝說。答汝話。若向這裡會得。有個入處。○僧問。如何是不遷義。師曰。落花隨流水。明月上孤峰。

白馬儒禪師。僧問。如何是學人本分事。師曰。昨夜三更月正午。問。如何是法身向上事。師曰。井底蝦蟇吞却月。

嗣洞
山价

龍牙居遁禪師。評頌。師問翠微。如何是祖師意。

微曰。與我將禪板來。師遂過禪板。微接得便打。

師曰。打即任打。要且無祖師意。又問臨濟。如何是祖師意。濟曰。與我將蒲團來。師乃過蒲團。濟接得便打。師曰。打即任打。要且無祖師意。後有

僧問和尚行脚時。問二尊宿。祖師意未審。二尊宿明也未。師曰。明即明也。要且無祖師意。師

復舉德山頭落底語。因自省過。遂止于洞山。隨

眾叅請。一日問。如何是祖師西來意。山曰。待洞

水逆流。即向汝道。師始悟厥旨。○上堂。夫叅玄

人。須透過祖佛始得。新豐和尚道。祖佛言教。似

生冤家。始有叅學分。若透不得。即被祖佛謾去。

透過
祖佛

僧問。祖佛還有謾人之心也。無師曰。汝道江湖
還有礙人之心也。無。乃曰。江湖雖無礙人之心。
為時人過不得。江湖成礙人去。不得道。江湖不
礙人。祖佛雖無謾人之心。為時人透不得。祖佛
成謾人去。不得道。祖佛不謾人。若透得祖佛過。
此人過却祖佛。若也如是。始體得佛祖意。方與
向上人同。如未透得。但學佛學祖。則萬劫無有
出期。僧曰。如何得不被祖佛謾去。師曰。道者直
須自悟去。始得。頌問十二時中如何著力。師曰。
如無手人欲行拳。始得。頌問如何是祖師西來

意。師曰。待石烏龜解語。即向汝道。曰。石烏龜語

也。師曰。向汝道甚麼。頌問古人得個甚麼便休
去。師曰。如賊入空室。○問如何是西來意。師曰。

此一問最苦。報慈云此
一問最好

嗣洞
山价

華嚴靜禪師。在洛浦作維那時。一日白槌普請

曰。上間般柴。下間鋤地。第一座問聖僧作甚麼

師曰。當堂不正坐。不赴兩頭機。○師問洞山。學

人無個理路。未免情識運為。山曰。汝還見有理

路也。無。師曰。見無理路。山曰。甚處得情識來。師

曰。學人實問。山曰。恁麼則直須向萬里無寸草

嗣洞
山价

處去。師曰。萬里無寸草處。還許某甲去也。無。山曰。直須恁麼去。○後唐莊宗問。祖意教意是同。是別師曰。探盡龍宮藏。衆義不能詮。

九峰滿禪師。僧問。人人盡道請益。未審師還拯濟也。無師曰。汝道巨嶽還乏寸土麼。曰。四海參尋當為何事。師曰。演若迷頭。心自狂。曰。還有不狂者也。無師曰。有。曰。如何是不狂者。師曰。突曉途中。眼不開。○領問。僧近離甚處。曰。閩中。師曰。遠涉不易。曰。不難。動步便到。師曰。有不動步者麼。曰。有。師曰。爭得到此間。僧無對。師以拄杖趲出。

○僧問。古人道。真因妄立。從妄顯真。是否。師曰。是。曰。如何是直師。曰。不雜食。曰。如何是妄師。曰。起倒攀緣。曰。去此二途。如何合得圓常。師曰。不敬功德天。誰嫌黑暗女。

北院通禪師。上堂。諸上座。有甚麼事。出來論量取。若上上根機。不假如斯。若是中下之流。直須剗削門頭。戶底。教索索地。莫教入泥水。第一速須省事。直須無心去。學得千般萬般。祇成知解。與衲僧門下。有甚麼交涉。

嗣洞
山价

洞山全禪。所問先洞山。如何是出離之要。山曰。

足下
烟生

聞參足下烟生師當下契悟更不它遊雲居進語曰終不敢孤負和尚足下烟生山曰步步玄者即是功到須僧問清淨行者不入涅槃破戒比丘不入地獄時如何師曰度盡無遺影還它

越涅槃

須見聯珠集第一卷

嗣洞
山价

京兆蜺子和尚須混浴閩川不畜道具不循律儀冬夏唯披一衲逐日沿江岸採掇蝦蜺以充其腹暮即宿東山白馬廟紙錢中居民目為蜺子和尚華嚴靜禪師聞之欲決真假先潛入紙錢中深夜師歸嚴把住曰如何是祖師西來意

師遽荅曰神前酒臺槃嚴放手曰不虛與我同根生

嗣洞
山价

幽棲道幽禪師鏡清問如何是少父師曰無標的曰無標的以為少父邪師曰有甚麼過曰祇如少父作麼生師曰道者是甚麼心行須一日歛鐘上堂大眾總集師乃問甚麼人打鐘僧曰維那師曰近前來僧近前師遂打一掌却歸方丈

丈卧增收

嗣洞
山价

越州乾峰和尚須上堂法身有三種病二種光須是一一透得始解歸家穩坐須知更有向上

嗣洞
山价

一竅在。雲門出問。庵內人為甚麼不知庵外事。師呵呵大笑。問曰。猶是學人疑處。師曰。子是甚麼心行。門曰。也要和尚相委。師曰。直須與麼。始解穩坐。門應喏喏。**頌**上堂。舉一不得。舉二放過。一著。落在第二。雲門出眾曰。昨日有人從天台來。却往徑山去。師曰。典座來。日不得。普請。便下座。**頌**僧問。十方薄伽梵。一路涅槃門。未審路頭在甚麼處。師以拄杖畫云。在這裡。僧後請益雲門。拈起扇子云。扇子跨跳上三十三天。築著帝釋鼻孔。東海鯉魚打一棒。雨似傾盆。會麼。吉州禾山和尚。僧問。學人欲伸一問。師還答否。

嗣洞
山价

師曰。禾山答汝了也。

天童啓禪師。**頌**簡大德問。學人卓卓上來。請師的的。師曰。我這裡一倚便了。有甚麼卓卓的的。曰。和尚恁麼答話。更買草鞋行脚好。師曰。近前來。簡近前。師曰。祇如老僧恁麼答過。在甚麼處。簡無對。師便打。

嗣洞
山价

欽山文邃禪師。**頌**師與巖頭雲峰同到德山。一日問德山曰。天皇也。恁麼道。龍潭也。恁麼道。未審和尚作麼生道。山曰。汝試舉天皇龍潭道底看。師擬進語。山便打。師被打。歸延壽堂曰。是則

定本
無門

是打我。太煞。巖頭曰。汝恁麼道。他後不得道。見德山來。法眼別云是。則是。錯打我。○師與巖頭雪峰坐次。洞山行茶來。師乃開眼。洞曰。甚麼處去來。曰。入定來。洞曰。定本無門。從何而入。○師與巖頭雪峰過江西。到一茶店。喫茶次。師曰。不會轉身通氣者。不得茶喫。頭曰。若恁麼。我定不得茶喫。峰曰。某甲亦然。師曰。這兩個老漢。話頭也不識。頭曰。甚處去也。師曰。布袋裡老鴉。雖活如死。頭退後曰。看看。師曰。叅公且置。存公作麼生。峰以手畫一圓相。師曰。不得不問。頭呵呵曰。太遠。生師曰。

一鏃
破三
関

有口不得茶喫者多。**評頌**巨良禪客。叅禮拜了。便問一鏃破三関時如何。師曰。放出関中主看。良曰。恁麼則知過必改。師曰。更待何時。良曰。好。隻箭放不著所在。便出去。師曰。且來関黎。良回首。師下禪牀。擒住曰。一鏃破三関。即且置。試為欽山發箭看。良擬議。師打七棒曰。且聽個亂統漢。疑三十年。有僧舉似同安察。安曰。良公雖解發箭。要且未中的。僧便問。未審如何得中的去。安曰。関中主是甚麼人。僧回舉似師。師曰。良公若解恁麼。也免得欽山口。然雖如此。何安不是。

嗣曹
山寂

好心亦須看始得

洞山延禪師。因曹山垂語云。有一人向萬丈崖頭騰身直下。此是甚麼人。衆無對。師出曰。不存。山曰。不存個甚麼。師曰。始得撲不碎。山深肯之。金峰從志禪師。拈起枕子示僧曰。一切人喚作枕子。金峰道不是。僧曰。未審和尚喚作甚麼。師拈起枕子。僧曰。恁麼則依而行之。師曰。你喚作甚麼。僧曰。枕子。師曰。落在金峰窠裡。僧問。是身無知。如土木石。此意如何。師下禪牀。扭僧耳朶。僧負痛作聲。師曰。今日始捉著個無知漢。

嗣曹
山寂

僧作禮出去。師召闍黎。僧回首。師曰。若到堂中不可舉著。曰。何故。師曰。大有人笑金峰老婆心。○上堂。老僧二十年前有老婆心。二十年後無老婆心。僧問如何。是二十年前有老婆心。師曰。問凡答凡。問聖答聖。曰。如何。是二十年後無老婆心。師曰。問凡不答凡。問聖不答聖。僧問四海晏清時如何。師曰。猶是階下漢。

嗣曹
山寂

鹿門直禪師上堂。一片凝然光燦爛。擬意追尋卒難見。瞥然撞著豁人情。大事分明總成辨。實快活。無繫絆。萬兩黃金終不換。任它出頭。

來。總是向渠影中現。

嗣曹山寂

曹山霞禪師。僧問佛未出世時如何。師曰。曹

山不如。曰。出世後如何。師曰。不如曹山。僧侍

立。師曰。道者可煞熱。曰。是。師曰。我如熱向甚處

回避。曰。向鑊湯鑪炭裡回避。師曰。我如鑊湯鑪

炭又作麼生回避。曰。衆苦不能到。

嗣曹山寂

曹山亦名荷玉光慧禪師。僧問如何是西來的的

意。師曰。不禮拜。更待何時。○上堂。舉拄杖曰。從

上皆留此一路。方便接人。有僧出曰。和尚又是

從頭起也。師曰。謝相委悉。

嗣曹山寂

曹山智炬禪師。初問先曹山曰。古人提起那邊

人學人如何體悉。山曰。退步就己。萬不失一。師

於言下頓忘玄解。乃辭去。徧參。至三祖。因看經

次。僧問禪僧心不挂元字脚。何得多學。師曰。文

字性異。法法體空。迷則句句瘡。疣悟則文文般

若。苟無取捨。何害圓伊。

嗣曹山寂

育王通禪師。僧問如何是和尚家風。師曰。渾

身不直五文錢。曰。太貧寒。生。師曰。古代如是。曰。

如何施設。師曰。隨家豐儉。

嗣曹山寂

鳳樓同安丕禪師。僧問如何是和尚家風。師

依經
解義

曰金雞抱子歸霄漢。玉兔懷胎入翠微。已忽遇
客來。將何祇待。師曰。金果朝來猿摘去。玉花晚
後鳳銜歸。○問路逢達道人。不將語默對。未審
將甚麼對。師曰。要踢要拳。○問。纔有言詮。盡落
今時。不落言詮。請師直說。師曰。木人解語。非干
舌。石女拋梭。豈亂絲。○頌。問依經解義。三世佛冤。
離經一字。即同魔說。此理如何。師曰。孤峰迥秀。
不挂烟蘿。片月行空。白雲自在。○新到叅。師問。
甚麼來。曰。湖南師曰。還知同安這裡。風雲體道。
花檻璇璣麼。曰。知。師曰。非公境界。僧便喝。師曰。
短販樵人。徒誇書劍。僧擬進語。師曰。劍甲未施。
賊身已露。

嗣雲
居膺

歸宗懷惲禪師。頌。僧問。截水停輪時。如何。師曰。
磨不轉。曰。如何是磨不轉。師曰。不停輪。

嗣雲
居膺

嵇山章禪師。在投子作柴頭。投子同喫茶次。謂
師曰。森羅萬象。摠在裡許。師潑却茶。曰。森羅萬
象。在甚麼處。子曰。可惜一椀茶。

嗣雲
居膺

雲居懷嶽禪師。僧問。如何是大圓鏡。師曰。不鑒
照。曰。忽遇四方八面來時。作麼生。師曰。胡來胡
現。漢來漢現。曰。大好不鑒。照師便打。

嗣雲
居膺

杭州佛日本空禪師。須叅夾山。山下有普請。維那令師送茶。師曰。某甲為佛法來。不為送茶來。那曰。奉和尚處分。師曰。和尚尊命。即得。乃將茶去。作務處。搖茶甌。作聲。山曰。顧師曰。釀茶三五盞。意在鑿頭邊。山曰。餅有傾茶勢。籃中幾個甌。師曰。餅有傾茶勢。籃中無一甌。便行茶。時眾皆舉目。師曰。大眾鶴望。請師一言。山曰。路逢死蛇。莫打殺。無底籃子。盛將歸。師曰。手執夜明符。幾個知天曉。山曰。大眾有人也。歸去來。歸去來。遂住。普請眾皆仰嘆。

嗣雲
居膺

永光真禪師。上堂。言鋒若差。鄉關萬里。直須懸崖撒手。自肯承當。絕後再蘇。欺君不得。非常之旨。人馬度哉。

嗣雲
居膺

朱谿謙禪師。須韶國師到叅。次聞犬咬靈鼠聲。國師便問。是甚麼聲。師曰。犬咬靈鼠聲。國師曰。既是靈鼠為甚麼。却被犬咬。師曰。咬殺也。國師曰。好個犬。師便打。國師曰。莫打某甲。話在。師休去。

嗣雲
居膺

雲居簡禪師。僧問。維摩豈不是金粟如來。師曰。是。曰。為甚麼却在釋迦。會下聽法。師曰。他不擔。

嗣雲
居膺

人我頌問路逢猛虎時如何。師曰千八萬人不
逢為甚麼。閣黎偏逢頌問孤峰獨宿時如何。師
曰。閑却七間僧堂不宿。阿誰教汝孤峰獨宿。
新羅雲住和尚頌僧問如何是諸佛師。師曰。文
殊聳耳增收

嗣踈
山仁

護國守澄淨果禪師。上堂。諸方老宿盡在曲彙
木林上為人。及有問著祖師西來意。未曾有一
人當頭道著。時有僧問請和尚當頭道。師曰。河
北驢鳴。河南犬吠頌問鶴立枯松時如何。師曰。
地下底一場懔懔。問會昌沙汰時。護法善神向

三懔
懔

嗣踈
山仁

甚麼處去。師曰。三門前兩個一場懔懔。問滴水
滴凍時如何。師曰。日出後一場懔懔。

靈泉歸仁禪師。初問踈山。枯木生花。始與他合。

是這邊句。是那邊句。山曰。亦是這邊句。師曰。如

何是那邊句。山曰。石牛吐出三春霧。靈雀不棲

無影林。○僧問如何是沙門行。師曰。恰似個屠

兒。曰如何行履。師曰。破齋犯戒。曰究竟作麼生。

師曰。因不收。果不入。○俗士問俗人還許會佛

法否。師曰。那個臺無月。誰家樹不春。

踈山證禪師。謁投子。子問近離甚麼處。曰。延平。子

嗣踈
山仁

嗣疎
山仁

嗣疎
山仁

受聲
聞戒

曰。還將得劍來麼。曰。將得來。子曰。呈似老僧看。師乃指面前地。子便休。至晚問侍者。新到在麼。者曰。當時去也。子曰。三十年弄馬騎。今日被驢撲。○僧問親切處。乞一言。師以拄杖敲之。僧曰。為甚麼不道。師曰。得恁麼不識好惡。百丈安禪師。僧問如何是極則處。師曰。空王殿裡。登九五野老門前不立人。

黃檗慧禪師。少出家。業經論。因增受菩薩戒。而歎曰。大士攝律儀與吾。本受聲聞戒。俱止持作犯也。然於篇聚。增減支本。通別制意。且殊。既微

細難防。復於攝善中。未嘗行於少分。况饒益有情乎。且世間泡幻身命。何可留戀哉。由是置講課。欲以身捐於水中。飼鱗甲之類。念已將行。偶二禪者接之。款話說南方頗多知識。何滯於一隅。師從此回志。直造疎山。○頌時。仁和尚坐法堂。受叅。師先顧視大眾。然後致問曰。刹那便去時如何。山曰。畝塞虛空。汝作麼生去。師曰。畝塞虛空。不如不去。山便休。師下堂。叅第一座。座曰。適來祇對甚奇特。師曰。此乃率爾。敢望慈悲。開示愚昧。座曰。一刹那間。還有擬議否。師於言下頓

嗣疎
山仁

悟

伏龍璘禪師。僧問和尚還愛財色也。無。師曰愛。曰既是善知識為甚麼却愛財色。師曰知恩者少。○問如何是和尚家風。師曰長齋冷飯。曰太寂寞生。師曰僧家合如是。

嗣疎
山仁

京兆三相和尚。僧問如何是無縫塔。師曰覓縫不得。曰如何是塔中人。師曰對面不相見。

嗣青
林虔

廣德延禪師。○頌僧問如何是透法身句。師曰無力登山水。茅戶絕知音。

嗣青
林虔

石門蘊禪師。初問青林如何用心。得齊於諸聖。

不如
不動

林仰面良久曰會麼。師曰不會。林曰去無子用心處。師禮拜。乃契悟。更不他遊。遂作園頭。一日歸侍立次。林曰子今日作甚麼來。師曰種菜來。林曰徧界是佛身。子向甚麼處種。師曰金鉏不動土。靈苗在處生。林欣然來日入園。喚蘊闍黎。師應諾。林曰刺栽無影樹。留與後人看。師曰若是無影樹豈受栽耶。林曰不受栽且止。你曾見他枝葉麼。師曰不曾見。林曰既不曾見爭知不受栽。師曰祇為不曾見。所以不受栽。林曰如是如是。○僧問如如不動時如何。師曰有甚麼了日。

曰如何即是。師曰：石戶非關鎖。頌問如何是和尚家風。師曰：物外獨騎千里象，萬年松下擊金鐘。

鐘增收

師應機多云。好大哥。時稱大哥和尚。

嗣青
林虔

龍光諲禪師。僧問：賓頭盧一身為甚麼。赴四天

下供。師曰：千江同一月。萬里盡逢春。遂有偈曰：

龍光山頂寶月輪。照耀乾坤燦暗雲。尊者不移

元一質。千家影現萬家春。

嗣青
林虔

石藏炬禪師。僧問如何是西來意。師曰：樹帶滄

浪色。山橫一抹青。

嗣白
水二

重雲暉禪師。創温室院。常施水給藥為事。○僧

問要路坦然。如何踐履。師曰：我若指汝。則東西

南北去也。

嗣白
水仁

瑞龍璋禪師。上堂。老僧頃年遊歷江外。嶺南荆

湖。但有知識叢林。無不參問來。蓋為今日與諸

人聚會。各要知個去處。然諸方終無異說。祇教

當人歇却狂心。休從它覓。但隨方任真。亦無真

可任。隨時受用。亦無時可用。設垂慈苦口。且不

可呼。晝作夜。更饒善巧。終不能指東為西。脫或

能爾。自是神通作恠。非干我事。若是學語之流。

不自省。已知非。直欲向空裡採花。波中取月。還

隨方
任真

嗣龍
牙遁

著得心力麼。汝今各且退思。忽然肯去。始知瑞龍老漢事不獲已。透回太甚。還肯麼。時有僧問。如何是瑞龍境。師曰。道汝不見得麼。曰。如何是境中人。師曰。後生可畏。

報慈嶼禪師。問僧甚處來。曰。卧龍來。師曰。在彼多少時。曰。經冬過夏。師曰。龍門無宿客。為甚麼在彼許多時。曰。師子窟中無異獸。師曰。汝試作師子吼看。曰。某甲若作師子吼。即無和尚。師曰。念汝新到。放汝三十棒。頌僧問。情生智隔。想變體殊。祇如情未生時如何。師曰。隔曰。情未生時。

嗣龍
牙遁

隔個甚麼。師曰。這個梢郎子。未遇人在。

舍珠哲禪師。僧問。如何是正法眼。師曰。門前神

樹子。○問。如何是佛法大意。師曰。貧兒抱子渡。

恩愛競隨流。○問。僧有亦不是。無亦不是。不有

不無亦不是。汝本來名個甚麼。曰。學人已具名

了。師曰。具名即不無。畢竟名個甚麼。曰。祇這莫

便。是否。師曰。且喜沒交涉。曰。如何即是。師曰。親

切處更請一問。曰。學人道不得。請和尚道。師曰。

別日來與汝道。曰。即今為甚麼不道。師曰。見個

領話人不可得。又問。僧張王李趙。不是汝本來

姓汝本來姓個甚麼。曰與和尚同姓。師曰同姓即且從汝本來姓個甚麼。曰待漢水逆流却向和尚道。師曰即今為甚麼不道。曰漢水逆流也未。師休去。

嗣華
巖靜

紫陵匡一禪師。初到蟠龍。見僧問碧潭清似鏡。蟠龍何處安。龍曰沉沙不見底。浮浪足噴吼。師不肯。龍請師道。師曰金龍迴透青霄外。潭中豈滯玉輪機。龍肯之。住後僧問未作人身已前作甚麼來。師曰石牛步步火中行。返顧休銜日中草。

嗣九
峰滿

同安
遊山

同安威禪師。僧問牛頭未見四祖時如何。師曰路逢神樹子。見者盡擎拳。曰見後如何。師曰室內無靈林。渾家不著孝。○師一日遊山。大眾隨後。師曰塔前翠竹。砌下黃花。古人道真如般若。同安即不然。有僧曰古人也好和尚。師曰不貪香餌味。可謂碧潭龍。曰諸方眼目。不恠淵明。師曰闍黎。閉目中秋坐。却笑月無光。曰塔前翠竹。砌下黃花。又作麼生。師曰安南未伏塞北那降僧禮拜。師曰名稱普聞。○問僧寅晡飲啄無處。藏身。你道有此道理麼。曰和尚作麼生。師打一

無處
藏身

嗣洞
山延

拂子。僧曰。撲手征人。徒誇好手。師曰。握鞭側帽。豈是闍黎。曰。今古之道。何處藏身。師曰。闍黎作麼生。僧珍重。便出。師曰。未在。
會元十三卷終
上籃慶禪師。初遊方。問雪峰。如何是雪峰的的意。峰以杖子敲師頭。師應諾。峰大笑。師後承嗣洞山印解。

嗣金
峰志

天池隆禪師。在金峰。普請般柴。次。峰問般柴人。過水否。師曰。有一人。不過水。曰。不過水。還般柴否。師曰。雖不般柴。也不得動著它。

嗣鹿
門真

益州真禪師。僧問。如何是禪。師曰。澄潭釣玉兔。曰。如何是道。師曰。拍手笑春風。
佛手巖行因禪師。僧問。如何是對現色身。師豎一指。法眼別云。還未有也未。

嗣章
庵義

龜洋慧忠禪師。謁草庵。庵問。何方來。師曰。六眸峰。庵曰。還見六眸否。師曰。患非重瞳。庵然之。師尋回故山。屬唐武宗廢教。例民其衣。豎宣宗中。興。師曰。古人有言。上昇道士不受錄。成佛沙彌。不具戒。祇為白衣。過中不食。不宇而禪。迹不出山者三十年。嘗謂門弟子曰。衆生不能解脫者。情累爾。悟道易。明道難。僧問。如何得明道去。師

誦見

單宗正錄

曹洞

四

自心

嗣同
安丕

曰但脫情見其道自明矣夫明之為言信也如
 禁蛇人信其呪力藥力以蛇縮弄揣懷袖中無
 難未知呪藥等力者怖駭弃去但諦見自心情
 見便破今千疑萬慮不得用者未見自心者也
 同安志禪師先同安將示寂上堂曰多子塔前
 宗子秀五老峰前事右何如是三舉未有對者
 末後師出曰夜明簾外排班立萬里歌謠道太
 平安曰須是這驢漢始得領僧問二機不到處
 如何舉唱師曰遍處不逢玄中不失領問凡存
 言句盡落今時學人上來請師直指師曰自前

不現句後不迷曰向上事如何師曰迴然不換

標的即乖

嗣護
國澄

智門欽禪師僧問兩鏡相照為甚麼中間無像
 師曰自己亦須隱曰鏡破臺亡時如何師豎起

拳

嗣護
國澄

薦福思禪師領僧問古殿無佛時如何師曰梵
 音何來曰不假修證如何得成師曰修證即不

成

嗣靈
泉仁

大陽堅禪師初在靈泉入室次泉問甚麼處來
 師曰僧堂裡來泉曰為甚麼不築著露柱師於

嗣五
峰遇

嗣廣
德延

言下有省。頌僧問如何是玄旨。師曰。壁上挂錢財。○問如何是法王劍。師曰。腦後看。五峰紹禪師。僧問如何是第一義。師拍禪牀云。若不是仙陀。千里萬里。

廣德義禪師。謁先廣德。作禮問曰。如何是和尙。密密處。德曰。隱身不必湏巖谷。闌闌堆堆覩者稀。師曰。恁麼則酌水獻花去也。德曰。忽然雲霧靄。闌闌作麼生。師曰。採汲不虛施。廣德忻然曰。大衆看取第二。代廣德。師次踵住持。聚徒開法。僧問如何是佛。師曰。披蓑倒騎牛。草深不露角。

四賓
主

○問如何是祖師西來意。師曰。魚躍無源水。嬰啼枯木花。○問如何是佛法大意。師曰。雪寒向火。日暖隈陽。○問如何是賓中賓。師曰。蕩子無家計。飄蓬不自知。○問如何是賓中主。師曰。茅戶挂珠簾。○問如何是主中賓。師曰。龍樓鋪草坐。○問如何是主中主。師曰。東宮雖至嫡。不面聖堯顏。○問牛頭未見。四祖時如何。師曰。鮮豔乍開。蠅師師曰。見後如何。師曰。底穿蕩盡。冷湫湫。頌問古人云。言語道斷。非去來今。此理如何。師曰。弥勒涅槃。知幾劫。護明猶未降。迦維增收

嗣廣
德延

廣德周禪師。僧問貧子歸家時如何。師曰。入門
不見面。處處故園春。**頌**問教中道阿逸多。不斷
煩惱不修禪定。佛說此人成佛無疑。此理如何。
師曰。鹽又盡。炭又無。曰。鹽炭無時如何。師曰。愁
人莫向愁人說。說向愁人愁殺人。

嗣石
門蘊

石門徹禪師。**頌**僧問雲光作牛意旨如何。師曰。
陋巷不騎金色馬。回途却著破爛衫。**頌**問年窮
歲盡時如何。師曰。東村王老夜燒錢。○上堂。一
切衆生本源佛性。譬如朗月當空。祇為浮雲翳
障。不得顯現。為明為照。為道為路。為舟為楫。為

本源
佛性

依為止。一切衆生本源佛性亦復如是。時汾陽
昭和尚在衆。出問。朗月海雲遮不得。舒光直透
水晶宮時如何。師曰。石壁山河非障礙。關浮界
外任昇騰。陽曰。恁麼則千里共傳無底鉢。時人
皆唱太平歌。師曰。太平曲子如何唱。陽曰。不墮
五音。非闋六律。師曰。還有人和得麼。陽曰。請和
尚不恪慈悲。師曰。仁者善自保任。

嗣紫
陵一

紫陵徹禪師。僧問如何是大猛烈底人。師曰。石
牛步步火中行。返顧休銜日中草。曰。如何是五
逆底人。師曰。放火夜燒無相宅。天明戴帽入長

嗣紫
陵一

嗣谷
隱靜

嗣同
安志

安曰。如何是孝順底人。師曰。步步手提無米飯。
斂手堂前不舉頭。○問如何是祖師西來意。師
曰。紅爐焰上碧波流。

興元大浪和尚僧問。既是喝河神。為甚麼被水
推却。師曰。隨流始得妙。住岸却成迷。

普寧顯禪師。僧問。曩劫共住。為甚麼不識親疎。
師曰。誰曰更待某甲道。師曰。將謂不領話。○問
千山萬水。如何登涉。師曰。青霄無間路。到者不

迷機

梁山緣觀禪師。僧問。家賊雖防時如何。師曰。識
得不為冤。曰。識得後如何。師曰。貶向無生國裡。
曰。莫是它安身立命處也。無師曰。死水不藏龍。
曰。如何是活水龍。師曰。興波不作浪。曰。忽然傾
湫倒嶽時如何。師下座把住曰。莫教濕却老僧
袈裟角。○問如何是學人自己。師曰。寰中天子。
塞外將軍。曰。便恁麼去時如何。師曰。朗月懸空
室中暗坐。○領問如何是祖師西來意。師曰。莫亂

道增收

嗣歸
宗章

普淨常覺禪師。初訪歸宗。聞法省悟。歸宗將順
寂。召師撫之曰。汝於法有緣。它後濟衆人。莫測

慧門
無壅

其量也。○師以時機淺昧難任極旨苟啓之。深器令彼招謗讟之咎。我寧不務開法。每月三八施浴僧道萬計。師嘗謂諸徒曰。但得慧門無壅。則福何滯哉。○給事中陶穀入院致禮而問曰。經云。離一切相則名諸佛。今目前諸相紛然。如何離得。師曰。給事見個甚麼。陶欣然仰重。自是王公大人。屢薦章服。師號皆却而不受。

嗣護
國遠

雲頂德敷禪師。○頌成都帥請就衙陞座。有樂營將出禮拜起。回顧下馬臺曰。一口吸盡西江水。即不問請師吞却塔前下馬臺。師展兩手唱曰。細抹將來。營將猛省。

嗣石
門徹

石門遠禪師。初在石頭作田頭。門問如何是田頭。水牯牛。師曰。角轉轟天地。朝頭處處春。他日門又問。水牯牛安樂否。師曰。水草不曾虧。曰。田中事作麼生。師曰。深耕淺種。曰。如法著。師曰。某甲不曾取次。○僧問如何是西來意。師曰。布袋盛烏龜。

嗣石
門徹

比禪懷感禪師。僧問如何是諸聖為人底句。師曰。紅輪當萬戶。光燭本無心。

嗣石
門徹

石門筠首座。有僧請喫茶次。問如何是首座爲

人一卷子。師曰。適來猶記得。曰。即今又如何。師曰。好生點茶來。一日荷鋤入園。僧問。三身中那一身去作務。師拄鋤而立。僧曰。莫便當也。無師携鋤便行。

嗣梁
山觀

大陽警玄禪師。依智通禪師出家。十九為大僧。聽圓覺了義講席。無能及者。○頌。初到梁山。問如何。是無相道場。山指觀音曰。這個是吳處士畫。師擬進語。山急索曰。這個是有相底。那個是無相底。師遂有省。便禮拜。山曰。何不道取一句。師曰。道即不辭。恐上紙筆。山笑曰。此語上碑去在。

獻偈

師獻偈曰。我昔初機學道迷。萬水千山覓見知。明今辨古終難會。直說無心轉更疑。蒙師點出秦時鏡。照見父母未生時。如今覺了何所得。夜放烏雞帶雪飛。山謂洞上之宗可倚。一時聲價籍籍。山歿。辭塔至大陽。謁堅禪師。堅讓席。使主之。○頌。僧問如何是和尚家風。師曰。滿鉢傾不出。大地沒饑人。○問如何是透法身句。師曰。大洋海底紅塵起。須彌頂上水橫流。○師問僧。甚處來。曰。洪山。師曰。先師在麼。曰。在。師曰。在。即不無。請渠出來。我要相見。僧曰。聾師曰。這個猶是待。

大陽者。僧無對。師曰。喫茶去。○上堂。諸禪德。湏明。平常無生句。妙玄無私句。體明無盡句。第一句。通

三路。第二句。無賓主。第三句。兼帶去。一句道得。師子
師子。嘖呻。二句道得。師子返擲。三句道得。師子
踞地。縱也。周徧十方。擒也。一時坐斷。正當恁麼
時。作麼生。通得個消息。若不通得個消息。來朝
更獻楚王看。僧問。如何是平常無生句。師曰。白
雲覆青山。青山頂不露。曰。如何是妙玄無私句。
師曰。寶殿無人。不侍立。不種梧桐。免鳳來。曰。如
何是體明無盡句。師曰。手指空時。天地轉。回途

釋曹山三
種墮

石馬出紗籠。曰。如何是師子嘖呻。師曰。終無回
顧意。爭肯落平常。曰。如何是師子返擲。師曰。周
旋往返。全歸父。繁興大用。體無虧。曰。如何是師
子踞地。師曰。迴絕去來機。古今無變異。○師嘗
釋曹山三種墮。曰。此三語。湏明得轉位始得。一
作水牯牛。是類墮。師曰。是沙門轉身語。是異類
中事。若不曉此意。即有所滯。直是要伊一念無
私。即有出身之路。二不受食。是尊貴墮。師曰。湏
知那邊了。却來這邊行履。若不虛此位。即坐在
尊貴。三不斷聲色。是隨墮。師曰。以不明聲色。故

五位
頌

隨處墮。須向聲色裡。有出身之路。作麼生是聲色外一句。乃曰。聲不自聲。色不自色。故云不斷。指掌當指何掌也。○五位頌曰。正中偏。一輪皎潔。正當天。宛轉虛玄事。不彰明。暗祇在影中。圓偏中正。休觀朗月。秦時鏡。隱隱猶如日下燈。明暗混融。誰辨影。正中來。脉路玄玄絕。迤迴靜照。無私隨處現。如行鳥道入鄧開。偏中至。法法無依。即智智。橫身物外。兩不傷。妙用玄玄善。周備無中到。叶路當風。無中道。莫守寒巖異草青。坐却白雲宗。不妙。○師神觀竒偉。有威重。從兒稚

作偈
寄浮
山為
求法
嗣

中。日祇一食。自以先德付授之。重足不越限。脇不至席。年八十。嘆無可以繼者。遂作偈。并皮履布直裰。寄浮山遠禪師。使為求法器。偈曰。楊廣山頭草。憑君待價煇。異苗翻茂處。深密固靈根。偈尾云。得法者。潛衆十年。方可闡揚。遠拜而受之。遂贊師像曰。黑狗爛銀蹄。白象崑崙騎。於斯二無礙。木馬火中嘶。

嗣梁
山觀

藥山呈禪師。上堂。山河大地。日月星辰。與諸上座同生。三世諸佛。與諸上座同參。三歲聖教。與諸上座同時。還信得及麼。若也信得及。陝府鐵

嗣梁
山觀

嗣石
門遠

嗣北
禪感

嗣大
陽玄

圓鑑
夢青
色鷹

鑑付

牛。吞却乾坤。雖然如是。被法身礙却。轉身不得。須知有出身之路。作麼生是諸上座出身之路。道道。良久曰。若道不得。永沉苦海。珍重。

鼎州羅紋玠山主。僧問親切處。乞師指示。師曰。老僧元是廣南人。

道吾詮禪師。僧問如何是道吾境。師曰。溪花含玉露。庭果落金臺。曰。如何是境中人。師曰。擁爐

披古衲。曝日枕山根。

南禪聰禪師。僧問如何是西來意。師曰。冬月深林雨。三春平地風。

投子義青禪師。入洛聽華嚴義。若貫珠。嘗讀諸林菩薩偈。至即心自性。猛省曰。法離文字。寧可

講乎。即棄遊宗席。時圓鑑禪師即浮山遠居會聖巖。一夕夢畜青色鷹。為吉徵。屆旦師來。鑑禮延之。令看

外道問佛。不問有言。不問無言。因緣經三載。一日問曰。汝記得話頭麼。試舉看。師擬對。鑑掩其

口。師了然開悟。遂禮拜。鑑曰。汝妙悟玄機耶。師曰。設有也。須吐却。時資侍者在旁曰。青華巖。今

日如病得汗。師回顧曰。合取狗口。若更怱怱。我即便嘔。自此復經三年。鑑時出洞下宗旨示。

大陽頂相

悉皆妙契。付以大陽頂相。皮履直裰。囑曰。代。繼。續。其。宗。風。無。久。滯。此。善。自。護。持。遂。書。偈。送。曰。須。彌。立。太。虛。日。月。輔。而。轉。群。峰。漸。倚。他。白。雲。方。改。變。少。林。風。起。叢。曹。谿。洞。簾。卷。金。鳳。宿。龍。巢。宸。苔。豈。車。碾。令。依。圓。通。秀。禪。師。師。至。彼。無。所。參。問。唯。嗜。睡。而。已。執。事。白。通。曰。堂。中。有。僧。日。睡。當。行。規。法。通。曰。是。誰。曰。青。上。座。通。曰。未。可。待。與。按。過。通。即。曳。杖。入。堂。見。師。正。睡。乃。擊。牀。呵。曰。我。這。裡。無。閑。飯。與。上。座。喫。了。打。眠。師。曰。和。尚。教。某。何。為。通。曰。何。不。參。禪。去。師。曰。美。食。不。中。飽。人。喫。通。曰。爭。

依圓通秀

奈大有人不肖上座。師曰。待。有。堪。作。甚。麼。通。曰。

上座曾見甚麼人來。師曰。浮山。通。曰。恠。得。甚。麼。

頑賴。遂握手相笑。歸方丈。頌。僧。問。師。唱。誰。家。曲。

宗風嗣阿誰。師曰。威音前一箭。射透兩重山。曰。

如何是相傳底事。師曰。全因淮地月。得照郢陽。

春。曰。恁麼則入水見長人也。師曰。祇知荆玉異。

那辨楚王心。僧禮拜。師以拂子擊之。頌。問。和。尚。

迢來拈香祝延。聖壽且道當今年多少。師曰。

月籠丹桂遠。星拱北辰高。○上堂。默。沉。陰。界。語。

落深坑。擬著則天地懸殊。弃之則千生萬劫。

默沉陰界

五位
頌

波浩渺。白浪滔天。鎮海明珠。在誰收掌。良久。嶺
拄杖曰。百雜碎。○師作五位頌并序。夫長天一
色。星月何分。大地無偏。枯榮自異。是以法無異
法。何迷悟而可及。心不自心。假言象而提唱。其
言也。偏圓正到。無帶叶通。其法也。不落是非。豈
閑萬象。幽旨既融。於水月。宗源派混。於金河。不
墜虛凝。回途復妙。頌曰。正中偏。星河橫轉。月明
前。彩氣夜交。天未曉。隱隱俱彰。暗裡圓。偏中正。
夜半月明。羞自影。朦朦霧色。辨何分。混然不落。
秦時鏡。正中來。火裡金雞。坐鳳臺。玄路倚空通。

脉上披雲。鳥道出塵埃。兼中至。雪刃籠身。不迴
避。天然猛將。兩不傷。暗裡全施。善周備。兼中到。
解走之人。不觸道。一般拈掇。與君殊。不落是非
方始妙。

嗣天
陽玄

興陽剖禪師。在大陽作園頭。種瓜次。陽問。甜瓜
何時得熟。師曰。即今熟爛了也。曰。揀甜底摘來。
師曰。與甚麼人喫。曰。不入園者。師曰。未審不入
園者。還喫也。無曰。汝還識伊麼。師曰。雖然不識。
不得不與。陽笑而去。○住後上堂。西來大道。理
絕百非。句裏投機。全乖妙旨。不已而已。有處。

句裏
投機

宗豈况怱怱。有何所益。雖然如是。事無一。向。於唱教門中。通一線道。大家商量。○師卧疾次。大陽問。是身如泡。幻泡。幻終成辦。若無個泡。幻大事無由辦。若要大事辦。識取個泡。幻作麼生。師曰。猶是這邊事。陽曰。那邊事作麼生。師曰。匝地紅輪秀。海底不栽花。陽笑曰。乃爾惺惺耶。師喝曰。將謂我忘却。竟尔趨寐。

福嚴審承禪師侍立。大陽次。陽曰。有一人遍身紅爛。卧在荆棘林中。周匝火圍。若親近得此人。大敬。鄧開。若親近不得。時中以何為據。師曰。六

嗣大
陽玄

根不具。七識不全。陽曰。你教伊出來。我要見伊。

師曰。遠來別無左右。祇對和尚。陽曰。官不容針。

師便禮拜。○李相公特上山問。如何是祖師西

來。意師指庭前拍樹。公如是三問。師如是三答。

公欣然。乃有頌曰。出沒雲間滿太虛。元來真相

一塵無。重重請問西來意。唯指庭前柏一株。

羅浮顯如禪師。初到大陽。陽問。汝是甚處人。曰。

益州。陽曰。此去幾里。曰。五十里。陽曰。你與麼來。

還曾踏著麼。曰。不曾踏著。陽曰。汝解騰空。那。曰。

不解騰空。陽曰。爭得到這裏。曰。步步不迷。方。

嗣天
陽玄

身無辨處。陽曰：汝得超方三昧邪？曰：聖心不礙。得三昧，豈彰名？陽曰：如是如是。汝應信此，即本體全彰，理事不二。善自護持。

嗣天
陽玄

白馬喜禪師初問大陽學人蒙昧，乞指個入路。陽曰：得良久，乃召師。師應諾。陽曰：與你個入路。師於言下有省。住後僧問：如何是佛法大意？師曰：善犬帶牌。

嗣大
陽玄

雲門運禪師上堂：夜來雲雨散，長空月在森羅萬象中。萬象靈光無內外，當明一句若為通。不見僧問：大哥和尚云月生雲際時如何？大哥曰：三個孩兒抱花鼓，莫來攔我毬門路。月生雲際，是明甚麼邊事？三個孩兒抱花鼓，擬思即隔。莫來攔我毬門路，須有出身處。始得若無出身處，也似黑牛卧死水。出身一句作麼生道？不勞久立。

嗣梁
山巖

梁山冀禪師頌魯祖面壁曰：魯祖三昧最省力，纔見僧來便面壁。若是知心達道人，不在揚眉便相悉。

嗣投
子青

芙蓉道楷禪師謁投子於海會，乃問佛祖言句。如家常茶飯，離此之外，別有為人處也。無子曰：

廚務
不易

侍授
子遊
菜園

汝道寰中天子勅還假堯舜禹湯也無師從也
語子以拂子搥師口曰汝發意來早有三十棒
也師即開悟再拜便行子曰且來闍黎師不顧
子曰汝到不疑之地耶師即以手掩耳○後作
典座子曰廚務勾當不易師曰不敢子曰煮粥
耶蒸飯耶師曰人工淘米著火行者煮粥蒸飯
子曰汝作甚麼師曰和尚慈悲放他閑去○師
侍授子遊菜園子度拄杖與師師接得便隨行
子曰理合恁麼師曰與和尚提鞋挈杖也不為
分外子曰有同行在師曰那一人不受教子休

去至晚問師早來說話未盡師曰請和尚舉子
曰卯生日戌生月師即點燈來子曰汝上來下
去縱不徒然師曰在和尚左右理合如此子曰
奴兒婢子誰家屋裡無師曰和尚年尊闕它不
可子曰得恁麼殷勤師曰報恩有分○頌僧問夜
半正明天曉不露如何是不露底事師曰滿船
空載月漁父宿蘆花○上堂晝入祇陀之苑皓
月當天夜登靈鷲之山太陽溢目烏鷄似雪孤
鴈成群鐵狗吠而凌霄泥牛鬪而入海正當恁
麼時十方共聚彼我何分古佛場中祖師門下

借功
明位

大家出一隻手。接待往來知識諸仁者。且道。成得個甚麼事。良父曰。刺栽無影樹。留與後人看。○上堂。喚作一句。已是埋沒宗風。曲為今時。通途消耗。所以借功明位。用在體處。借位明功。體在用處。若也體用雙明。如門扇兩開。不得向兩扇上着意。不見新豐老子道。峰巒秀異。鶴不停機。靈木迢然。鳳無依倚。直得功成不處。電火難追。擬議之間。長途萬里。○上堂。臘月三十日。已前。即不問臘月三十日事。作麼生。諸仁者。到這裡。佛也為你不得。法也為你不得。祖師也為你不得。天下老和尚也為你不得。山僧也為你不得。閻羅老子也為你不得。直洎盡却今時去。若也盡得今時。佛也不奈他何。法也不奈他何。祖師也不奈他何。天下老和尚也不奈他何。山僧也不奈他何。閻羅老子也不奈他何。諸人且道。如何是盡却今時底道理。還會麼。明年更有新條在。惱亂春風卒未休。○上堂。鐘鼓喧喧。報未聞。一聲驚起夢中人。圓常靜應無餘事。誰道觀音別有門。良父曰。還會麼。休問補陀巖上客。鶯聲啼斷海山雲。○上堂。法身者。理妙言玄。頓超

盡却
今時

聲啼斷海山雲。○上堂。法身者。理妙言玄。頓超

法身

終始之患。諸仁者莫是幻身外。別有法身麼。莫即幻身。便是法身麼。若也恁麼會去。盡是依它作解。蒙昧兩岐。法眼未得通明。不見僧問夾山。如何是法身。山云。法身無相。如何是法眼。山云。法眼無瑕。所以道。吾云。未有師在。忽有人問老僧。如何是法身。羊便乾處卧。如何是法眼。驢便濕處尿。更有人問作麼生是法身。買帽相頭作麼生是法眼。坑坎堆阜。若點檢將來。夾山祇是學處不玄。如流俗閨閣裏物。不能捨得。致使情關因閉。識鎖難開。老僧今日。若不當揚顯云。後

學處
不玄

學何以知歸。勸汝諸人。不用求真。唯須息見。諸

見若盡。昏露不生。自然智鑑洞明。更無他物。諸

人還會麼。良又云。珠中有火。君須信。休向天邊

問太陽。**增收** 僧問師。唱誰家曲。宗風嗣阿誰。

師曰。金鳳夜棲無影樹。峰巒繞露海雲遮。**增收**

又示衆一篇見縑門

大洪恩禪師。上堂拈起拄杖曰。昔日德山臨濟。

信手拈來。便能坐斷十方。壁立千仞。直得冰河

燄起。枯木花芳。諸人若也善能橫擔。豈分徧問

諸方。苟或不然。少林倒行。此令法也。擊禪林。

嗣授
子青

法苑珠林

卷四

法苑珠林

下○僧問三玄三要即不問五位君臣事若何。師曰非公境界。曰恁麼則石人拊掌木女呵呵。師曰杓卜聽虛聲熟睡饒謔語。曰若不上來伸此問焉能得見少林機。師曰放過即不可。隨後便打。師嘗設百問以問學者。其略曰。假使百千劫所作業不忘為甚麼。一稱南無佛。罪滅河沙劫。又作此○相曰。森羅萬象。摠在其中。具眼禪人。試請甄別。張無盡書問三教大要。師答甚詳。不備錄。洞山雲禪師上堂。秋風卷地。夜雨翻空。可中別有清涼個裡。更無熱惱。是誰活計。到者方知。總

嗣投
子青

落見聞。即居途路。且道到家後如何。任運獨行。無伴侶。不居正位。不居偏。

嗣投
子青

福應文禪師上堂。明明百草頭。明明祖師意。直下便承當。錯認了為矢。惺惺底。築著磕著。懵懂底。和泥和水。龜毛拂。畝塞虛空。兔角杖。撐天拄地。日射珊瑚林。知心能幾幾。擊禪牀下座。

嗣美
蔡楷

丹霞子淳禪師上堂。乾坤之內。宇宙之間。中有一寶秘。在形山。肇法師恁麼道。祇解指蹤話跡。且不能拈示於人。丹霞今日。擘開宇宙。打破形山。為諸人拈出。具眼者辨取。以拄杖卓一下曰。

有語句

還見麼。鷺鷥立雪。非同色。明月蘆花不似他。○
上堂。舉德山示衆曰。我宗無語句。實無一法與人。德山恁麼說話。可謂是祇知入草求人。不覺通身泥水。子細觀來。祇具一隻眼。若是丹霞則不然。我宗有語句。金刀剪不開。深深玄妙。玉女夜懷胎。○上堂。亭亭日午猶虧半。寂寂三更尚未圓。六戶不曾知暖意。往來常在月明前。○僧問牛頭。未見四祖時如何。師曰。金菊昨開蜂競採。曰。見後如何。師曰。苗枯花謝了無依。

嗣笑

淨因枯木成禪師。

嘉興崇德人也

上堂。燈籠忽爾笑。哈。

嗣笑

哈。如何露柱亦懷胎。天明生得白頭女。至今遊蕩不歸來。這冤家。好歸來。黃花與翠竹。早晚為誰栽。○上堂。知有佛祖向上事。方有說話分諸禪德。且道那個是佛祖向上事。有個人家兒女。六根不具。七識不全。是大闡提。無佛種性。逢佛殺佛。逢祖殺祖。天堂收不得。地獄攝無門。大眾還識此人麼。良久曰。對面不仙陀。睡多饒寐語。寶峰照禪師。上堂。古佛道我初成正覺。親見大地衆生。悉皆成正覺。後來又道深固幽遠。無人能到。因沒見識漢。好龍頭蛇尾。便下座。○上堂。

離形
去智

過去諸佛已入涅槃了也。汝等諸人。不應追念。未來諸佛未出於世。汝等諸人。不要妄想。正當今日。你是何人。參○上堂。本自不生。今亦無滅。是死不得底樣子。當處出生。隨處滅盡。是活生受底規模。大丈夫漢。直須處生死流。卧荆棘林。俯仰屈伸。隨機施設。能如是也。無量方便。莊嚴三昧。大解脫門。蕩然頓開。其或未然。無量煩惱。一切塵勞。嶽立面前。塞却去路。○上堂。古人道。墮肢體。黜聰明。離形去智。同於大道。正當恁麼時。且道是甚麼人。刪詩書。定禮樂。還委悉麼。禮

嗣笑
蓉楷

心空
道理

云禮云。玉帛云乎哉。樂云樂云。鐘鼓云乎哉。○雪下僧問。祖師西來。即不問時節。因緣事。若何。師曰。一片。兩片。三四片。落在眼中。猶不薦。石門易禪師。上堂。十方同聚會。個個學無為。此是選佛場。心空及第歸。大衆。祇如聞見覺知。未嘗有間。作麼生說個心空。底道理。莫是見而不見。聞而不聞。為之心空耶。錯。莫是忘機息慮。萬法俱捐。銷能所以。入玄宗。泯性相。而歸法界。為之心空耶。錯。恁麼也。不得。不恁麼也。不得。恁麼不恁麼。總不得。未審畢竟作麼生。還會麼。良久。

嗣美
菴楷

曰。若實無為無不為。天堂地獄常相隨。三尺杖子攪黃河。八臂那吒冷眼覷。無眼魚龍盡奔走。捉得循河三脚龜。脫取殼鐵錐錐。吉凶之兆便分輝。借問東村白頭老。吉凶未兆若如何。休休休。古往今來春復秋。白日騰騰隨分過。更嫌何處不風流。咄。

天寧誦禪師。初住韶山上堂。韶山近日沒巴鼻。眼裡聞聲鼻嘗味。有時一覺到天明。不在牀上。不落地。大眾。且道在甚麼處。諸人於斯下得一轉語。非唯救得韶山。亦乃不孤行脚。其或未然。

君臣
五位

嗣美
菴楷

三級浪高魚化龍。痴人猶岸夜塘水。○僧問如何是君。師曰。宇宙無雙日。乾坤祇一人。曰如何是臣。師曰。德分明。主化道契物情機。曰如何是君。師曰。赤心歸舜目。盡節報堯天。曰如何是君視臣。師曰。玄昨疑不瞬妙。鵲旁求曰。如何是君臣。道合師曰。帳符尊賤。隔潛信。往來通。天寧璉禪師。上堂。清虛之理。佛祖同歸。畢竟無身。聖凡一體。理則如是。滿目森羅。事作麼生。纖塵絕除。渠儂有眼。豈在旁窺。官不容針。私通車馬。若到恁麼田地。始可隨機受用。信手拈來。妙應無方。當風玄路。直得金針。錦縫線脚。不彰玉。

單宗正永

曹洞

卷

嗣芙
蓉楷

殿寶階朱簾未卷。正當此時。且道是甚麼人境
界。古渡秋風寒颼颼。蘆花紅蓼滿江灣。
梅山已禪師。僧問如何是法身邊事。師曰。枯木
糝花不犯春。曰。如何是法身向上事。師曰。石女
不粧眉。

嗣芙
蓉楷

普賢秀禪師。僧問如何是正中偏。師曰。龍吟初
夜後。虎嘯五更前。曰。如何是偏中正。師曰。輕烟
籠皓月。薄霧鎖寒巖。曰。如何是正中来。師曰。松
瘁何曾老。花開滿未萌。曰。如何是無中至。師曰。
猿啼音莫辨。鶴唳響難明。曰。如何是無中到。師

嗣芙
蓉楷

曰。撥開雲外路。脫去月明前。

鹿門燈禪師。謁芙蓉。蓉問曰。如何是空劫已前
自己。師於言下。心迹泯然。從容進曰。靈然一句
超群象。迥出三乘。不假修。蓉撫而印之。

嗣芙
蓉楷

資聖南禪師。聖節上堂。顧視左右曰。諸人還

知麼。夜明簾外之主。萬化不渝。琉璃殿上之尊。
四臣不昧。端拱而治。不令而行。壽逾百億。須弥
化洽大千。沙界且道。正恁麼時。如何行履。野老
不知。黃屋貴。六街慵。聽靜鞭聲。

嗣芙
蓉楷

洞山微禪師。上堂。日暖。和風柳眼青。冰消魚躍

嗣芙蓉楷

浪花生。當鋒妙得空王印。半夜崑崙戴雲行。
太傅高世則居士。初參芙蓉。求指心要。容令去。
其所重。扣已而參。一日忽造微密。呈偈曰。懸崖
撒手任縱橫。大地虛空自坦平。照壑輝巖不借
月。庵頭別有一簾明。

嗣大洪恩

大洪守遂禪師。上堂。召大眾。一拳拳倒黃鶴樓。
一踏踏翻鸚鵡洲。慣向高樓驟玉馬。曾於急水
打金毬。然雖恁麼爭。奈有五色絲條繫手脚。三
鑄金鎖鎖咽喉。直饒鎚碎金鎖。割斷絲條。須知
更有一重礙汝在。且道如何是那。一重還會麼。

嗣丹霞淳

善吉維摩談不到。目連鶖子看如盲。

玄妙訣

不徹底漢

長蘆真歇清了禪師。扣丹霞之室。霞問如何是
空劫已前自己。師擬對。霞曰。你鬧在。且去。一日
登鉢盂峰。豁然契悟。徑歸侍立。霞掌曰。將謂你
知有。師欣然拜之。翌日霞上堂。曰。日照孤峰翠。
月臨溪水寒。祖師玄妙訣。莫向寸心安。便下座。
師直前曰。今日陞座。更瞞某不得也。霞曰。你試
舉我今日陞座看。師良久。霞曰。將謂你瞥地。師
便出。○上堂。我於先師一掌下。伎倆俱盡。覓個
開口處。不可得。如今還有恁麼快活不徹底漢。

口邊
白醜

麼。若無銜鐵負鞍。各自著便。○上堂。上孤峰頂。過獨木橋。驀直恁麼行。猶是時人脚高脚低處。若見得徹。不出戶。身徧十方。未入門。常在屋裡。其或未然。趁涼般取一轉柴。○上堂。處處覓不得。祇有一處不覓自得。且道那一處。良久曰。賊身已露。○上堂。口邊白醜去。始得入門。通身紅爛去。方知有門。裡事更須知。有不出門底。乃曰。喚甚麼作門。○僧問。三世諸佛。向火燄裡轉大法輪。還端的也無。師大笑曰。我却疑著。白和尚為甚麼却疑著。師曰。野花香滿路。幽鳥不知春。

金針
玉線

轉功
就位

○上堂。幻化空身。即法身。遂作舞云。見麼。見麼。恁麼。見得。過橋村酒美。又作舞云。見麼。見麼。恁麼。不見。隔岸野花香。○上堂。還有不被玄妙汚染底麼。良久曰。這一點傾四海水。已是洗脫不下。○上堂。窮微喪本。體妙失宗。一句截流。淵玄及盡。是以金針密處。不露光鋒。玉線通時。潛舒異彩。雖然如是。猶是交互雙明。且道。巧拙不到。作麼生相委。良久曰。雲蘿秀處。青陰合。巖樹高。低翠鎖深。○上堂。轉功就位。是向去底人。玉韞荆山貴。轉位就功。是却來底人。紅爐片雪春。功

嗣丹
霞淳

位俱轉。通身不滯。撒手亡依。石女夜登機。密室無人掃。正恁麼時。絕氣息。一句作麼生。相委良久。曰。歸根風墮葉。照盡月潭空。

天童宏智正覺禪師。造丹霞。霞問如何是空劫已前自己。師曰。井底蝦蟇吞却月。三更不借夜明簾。霞曰。未在。更道。師擬議。霞打一佛曰。又道不借。師言下釋然。遂作禮。霞曰。何不道取一句。師曰。某甲今日失錢遭罪。霞曰。未暇打得你。且去。○上堂。黃閣簾垂。誰傳家信。紫羅帳合。暗撒真珠。正恁麼時。視聽有所不到。言詮有所不及。

空劫
真宗

釋迦
降誕

如何通得個消息去。夢回夜色依稀曉。笑指家風爛熳春。○上堂。空劫有真宗。聲前問已躬。赤窮新活計。清白舊家風。的的三乘外。寥寥一印中。却來行異類。萬派自朝東。○上堂。今日是釋迦老子降誕之辰。長蘆不解說禪。與諸人畫個樣子。祇如在摩耶胎時作麼生。以拂子畫此○相。曰。祇如以清淨水浴金色身時。又作麼生。復畫此○水相。曰。祇如周行七步。目顧四方。指天指地。成道說法。神通變化。智慧辨才。四十九年。三百餘會。說青道黃。指東畫西。入般涅槃時。又作

清虛
無身

麼生乃盡此。十相復曰。若是具眼衲僧。必也相許。其或未然。一一歷過始得。○僧問清虛之理。畢竟無身時如何。師曰。文彩未痕初。消息難傳。際曰。一步密移玄路轉。通身放下劫壺空。師曰。誕生就父時。合體無遺照。曰。理既如是。事作麼生。師曰。歷歷總回分化事。十方機應又何妨。曰。恁麼則塵塵皆現本來身去也。師曰。透一切色。超一切心。曰。如理如事。又作麼生。師曰。路逢死蛇。莫打殺。無底籃子。盛將歸。曰。入市能長嘯。歸家著短衫。師曰。木人嶺上歌。石女溪邊舞。

嗣丹
霞淳

大洪預禪師上堂。進一步。踐他國王水草。退一步。踏他祖父田園。不進不退。正在死水中。還有出身之路也。無蕭騷晚籟。松釵短游。漾春風柳線長。

嗣淨
因成

尼慧光禪師上堂。舉趙州勘婆話。乃曰。趙州舌頭連天。老婆眉光覆地。分明勘破歸來。無限平人。瞌睡。

嗣寶
峰照

圓通德止禪師上堂。山僧二十年前。兩目皆盲。了無所覩。唯是聞人說道。青天之上。有大日輪。照三千大千世界。無有不徧之處。籌策萬端。終

兩目
皆盲
不見
日輪

不能見。二十年後。眼光漸開。又值天色連陰。濃雲亂湧。四方觀察。上下推窮。見雲行時。便於行時。作計較。見雲住時。便於住處。立個窠臼。正如是間。忽遇著個多知漢。問道。莫是要見日輪麼。何不向高山頂上去。山僧却徵他道。那裡是高山頂上。他道。紅塵不到處。是諸仁者。好個端的。消息。還會麼。長連牀上。佛陀耶。

嗣寶
峰照

智通景深禪師。始謁淨慈象禪師。一日聞象曰。思而知。慮而解。皆鬼家活計。與不自過。遂往寶峰。求入室。峰曰。直須斷起滅念。向空劫已前。掃

大死
翁

除玄路。不涉正偏。盡却今時。全身放下。放盡還放。方有自由分。師聞頓領厥旨。峰擊鼓告衆曰。深得闡提大死之道。後學宜依之。因號大死翁。上堂。來不入門。去不出戶。來去無痕。如何提唱。直得古路苔封。羶羊絕跡。蒼梧月鏤。丹鳳不棲。所以道。藏身處沒踪跡。沒蹤跡處。莫藏身。若是如是。去住無依。了無背向。還委恁麼。而今分散。如雲鶴。你我相逢。觸處玄。

嗣寶
峰照

華藥智朋禪師。依寶峰。有年無省。因為衆持鉢。峰自題其像曰。雨虎淡桃紅。萼嫩風搖淺。碧柳

阿石
易

絲輕白。雲影裡。恁石露。綠水光。中古木清。噫。你
是何人。至焦山。枯木成禪師。見之。嘆曰。今日方
知此老親見先師來。師遂請益其贊。成曰。豈不
見法眼拈夾山境話曰。我二十年。祇作境會。師
即契悟。乃曰。元來恁麼地。成曰。汝作麼生會。師
曰。春生夏長。秋收冬藏。成曰。直須保任。師應嗟。
香山尼佛通禪師。遂寧府人。因誦蓮經。有省。往
見石門。乃曰。成都喫不得也。遂寧喫不得也。門
拈拄杖。打出。通忽悟。曰。榮者自榮。謝者自謝。秋
露春風。好不著。便門拂袖歸。方丈師亦不顧。而

嗣天
童覺

出。由此道俗景從。得法者衆。

雪竇嗣宗禪師。僧問。如何是正法眼。師曰。烏豆。
○問。如何是君師。曰。磨礮三尺劍。待斬不平人。
曰。如何是臣師。曰。白雲閑不徹。流水太忙生。曰。
如何是君臣道合。師曰。雲行雨施。月皎星輝。○
問。如何是正中偏。師曰。菱花未照前。曰。如何是
偏中正。師曰。團圞無少刺。曰。如何是正中来。師
曰。徧界絕纖埃。曰。如何是兼中至。師曰。鷲嶽功
前戲。曰。如何是兼中到。師曰。十道不通耗。○問。
如何是轉功就位。師曰。撒手無依。全體現。扁舟

上
位
問
答

功
勳

問答

漁父宿蘆花。曰：如何是轉位就功？師曰：半夜嶺頭風月靜。一聲高樹老猿啼。曰：如何是功位齊彰？師曰：出門不踏來時路。滿目飛塵絕點埃。曰：如何是功位俱隱？師曰：泥牛飲盡澄潭月。石馬加鞭不轉頭。

嗣天童覺

善權智禪師上堂：明月高懸未照前，雪眉人凭玉欄干。夜深雨過風雷息，客散雲樓酒椀乾。

嗣天童覺

淨慈自得慧暉禪師謁宏智。智舉：當明中有暗，不以暗相遇。當暗中有明，不以明相覩。問之：語不契。初夜定回，往聖僧前燒香。而宏智造至師

窮理盡性

飽參

見之。頓明前話。次日入室。智舉：堪嗟去日顏如玉。却嘆回時髮似霜。詰之。問曰：其入離。其出微。自爾問答無滯。智許為室中真子。○上堂：釋迦老子窮理盡性。金口敷宣。一代時教。珠回玉轉。被人喚作杖。不淨故紙。達磨祖師。以一乘法。直指單傳。面壁九年。不立文字。被人喚作壁觀婆羅門。且道作麼生行履。免被傍人指注。去衲帔。蒙頭萬事休。此時山僧都不會。○上堂：巢知風穴。知雨甜者甜。兮苦者苦。不須計較。作思量。五五從來二十五。萬般施設到平常。此是叢林飽

叅句。諸人還委麼。野老不知堯舜力。皤皤打
鼓祭江神。○上堂。谷之神。樞之要。裡許旁叅。回
途得妙。雲雖動而常閑。月雖晦時。彌照賓主交
叅。正偏無到十洲。春盡花凋。殘珊瑚樹。林日杲
杲。

嗣天
童覺

石窓恭禪師。一夕誦法華。至父母所生眼。悉見
三千界。時聞風刺。椶櫚葉聲。忽然有省。後依天
童。始明大旨。○上堂。春風楊柳眉。春禽弄百舌。
一片祖師心。兩處俱漏泄。不動步還家。習漏頓
消滅。暗投玉線芒。曉貫金針穴。深固實幽遠。無

嗣天
童覺

人孰辨別。慚愧可憐生。頭頭皆合轍。不念阿彌
陀。南無乾屎橛。無智痴人前。第一不得說。

格外
真規

光孝徹禪師。上堂。羊頭車子推明月。沒底船兒
載曉風。一句頓超情量外。道無南北與東西。所
以劫前消息。非口耳之所傳。格外真規。豈思量
之能解。須知佛佛祖祖。了無一法。為人子子孫
孫。直下全身荷負。既已萬機寢削。自然一糝不
留。湛湛之波。碧水冷涵於秋色。靈靈之照。霽天
淨洗於水輪。宛轉旁叅。叶通無帶。夢手推開玉
戶。翻身撥動機輪。正令總行。又見一陽萌動。化

嗣天
童覺

工密運俄驚三世變遷雖則默尔無言爭奈熾
然常說無遷無變今朝拈置一邊有故有新且
道如何話會諸人還委恁麼群陰消剝盡來日
是書雲

大洪為禪師上堂法身無相不可以音聲求妙
道亡言豈可以文字會縱然超佛越祖猶落階
梯直饒說妙談玄終挂唇齒須是功勳不犯影
跡不留枯木寒巖更無津潤幻人木馬情識皆
空方能垂手入鄜轉身異類不見道無漏國中
留不住却來烟塢卧寒沙

嗣天
童覺

長蘆琳禪師上堂拈拄杖曰其宗也離心意識
其旨也超去來今離心意識故品萬類不見差
殊超去來今故盡十方更無滲漏當頭不犯徹
底無依悟向朕兆未生已前用在功勳不犯之
處平常活計不用躊躇擬議之間即沒交涉
慧力悟禪師上堂一切聲是佛聲簷前水滴響
泠泠一切色是佛色覲面相呈諱不得使恁麼
若為明碧天雲散月華清

嗣大
洪預

嗣大
洪預

雪峰深禪師示衆未得入頭應切切入頭已得
須教徹雖然得入本無無莫守無無無聞歇太

嗣天
衣聰

嗣天
衣聰

夜宿
田里

洪聞之乃曰深免說禪若此惜福緣不勝耳
慧日安禪師僧問如何是和尚為人一句師曰
狗走抖擻口曰意旨如何師曰猿愁樓擻頭
吉祥實禪師自到天衣早夜精勤脇不至席一
日偶失笑喧眾衣擯之中夜宿田里觀星月粲
然有省曉歸超方丈衣見乃問洞山五位君臣
如何話會師曰我這裡一位也無衣令叅堂謂
侍僧曰這漢却有個見處奈不識宗旨何入室
次衣預令行者五人分序而立師至俱召實上
座師於是密契奧旨述偈曰一位纔彰五位分

嗣天
童珽

君臣叶處五雲屯夜明簾卷無私照金殿重重
顯至尊

雲實智鑑禪師上堂世尊有密語迦葉不覆藏
一夜落花雨滿城流水香

禪宗正脉卷第七

卷第七

同

七